

LATAIQUI' LINIŁPA SAN MARCOS LOYA'APA İLE AL C'A LIXPIC'EPA ŁANDIOS

¹ Fa'a tipa'a liniłiya lixpıc'epa ŁanDios. İle lataiqui' ac'a loya'apa, tipalaijma Jesucristo, iłque li'Hua ŁanDios. Cu'i'molhuo' te ts'i'ic' lipangopa luya'ampá iłe lataiqui'. ² Jiłpe lije'e cal profeta Isaías inihjmpa lo'iya. İle liniłpa tuya'e' te ts'i'ic' linespa ŁanDios, ticua:

¡Ałquimf'ela! İya' cumme'ma łainepaluc, iłque ticuaita ate'a, tilanc'e'eto' lopene.

³ Pe ailopa'a quiłya' iłque tuya'ata, tu'itola' lan xanuc' lafot'leyacołtsi, tu'itola': “Tołanc'e'e'ete lipene łalPoujna. Toł'e'ete alijca lane pe loyaicoya.”

⁴ Licuaiyunni Juan Bautista enanłpa iłe lataiqui'. Małque Juan epaluc ŁanDios łipalaicopa Isaías.

Icuaitsi Juan al pana' Jordán pe ailopa'a quiłya'. Jiłpe tepo'iyale. Tu'ila' tixhuej'menanca lo'epa lixcay. Tepoliłe. ŁanDios tiłonc'e'e'mola' liłjunac'. ⁵ Lan xanuc' ni petsi lomana' al distrito Judea, jouc'a jahuay lan xanuc' nomana' liłya' Jerusalén, ipalunca liłpilolıya', iye'me, icuaitsa pe lopa'a Juan. Uya'a'me li'epa lixcay. Ticuayi: “Ałsuej'menamma”. Juan epo'i'mola' al pana' Jordán.

⁶ İłque Juan lipijahua' ipufcompa ipimij camello. Lifi'ejma ixmi. Łitejua' łotepa axa'muł y acujua c'ec.

⁷ Tuya'e', tu'ila':

—Iya' aicuai'ma ate'a. Tijoula' ticuaihuo ocuena xonca acueca'. Iya' aima'onspa to ilque, caxina alaic'ata, aimi'iya cuhuaic'eya lic'ejí'. ⁸ Iya' capo'icolhuo' aja', ilque ticuaiyunni tepo'ico'molhuo' cal Espíritu Santo.

⁹ Ilne litiné Jesús ipanni al distrito Galilea, jilpe liya' Nazaret. Icuaitsi al pana' Jordán jilpe Juan epo'i'ma. ¹⁰ Lipanni Jesús laja', ixim'ma eximma lema'a, ixim'ma cal Espíritu Santo ti'onlcospa to cal fujca ja'mu', imunni, icuaitsi pe lacaxu, ihuoxaf'caitsi. ¹¹ Jesús icuej'ma jilpe lema'a tipalay, timi:

—Ima' mai'Hua, ca'ehuo' capic'a juaiconapa. Latenma lopicuejma' jouc'a lo'ejma'.

¹² Lijou'ma aiquicol'ma, cal Espíritu Santo i'hua'a'ma Jesús, icuaitsi pe ailopa'a quiya'. ¹³ Jilpiya ipajntsi oquej nuxans quitine pe lomana' lan ximalo quinnejá. Lonta'a Satanás ehuaí'ma. Icuaitsa lapaluc' quema'a, itoc'i'me.

¹⁴ Lijoupa litats'empa Juan Bautista, Jesús ipanni al distrito Judea. I'hua'ma al distrito Galilea. Jilpe tuya'e' lixic'epa LanDios, ille lataiqui' ac'a loya'apa. ¹⁵ Tu'ila' lan xanuc':

—Fa'a li'a lamats' LanDios cal Cuecaj Rey ticuxela' lixanuc'. Tolsuej'menca. Tolapenufle Lataiqui' loya'apa ille al c'a lixic'epa LanDios.

¹⁶ Anuli litine Jesús ti'hua lema al cuecaj quin'nuhua' cuftine Galilea. Ixim'mola' Simón jouc'a Andrés, ilque ipima Simón. Ilne lapimaye in'notpá catuye, tecajm'miyi hixami laja. ¹⁷ Jesús timila':

—¡Lihuejla! Capi'i'molhuo' ocuena colpenic'. Aimolahueconayacola' latuye. Tolahuetola' lan xanuc' lihuejla'.

¹⁸ Aits'icoŀ'mola'. Simón jouc'a Andrés ipo'no'me liŀxami. Ihuej'me Jesús.

¹⁹ Iye'me nihuata, Jesús ixim'mola' Jacobo i'hua Zebedeo, jouc'a Juan, iŀque ipima Jacobo. Iŀne ticuscoŀanna al barco, tipufmot'leyi liŀxami. ²⁰ Aiquicoŀ'ma, Jesús ijoc'i'mola'. Iŀniya ipo'nom'mola' Zebedeo quiŀ'ailli' jouc'a no'epá canic' imanenca al barco. Ihuej'me Jesús.

²¹ Iye'me liŀya' Capernaum. Litine conxajya i'hua'ma Jesús lajut'ŀ pe lafoŀyomma. Jiŀpiya imuc'i'mola' lan xanuc'. ²² Iŀne lan xanuc' ixim'me ac'a lomuc'iyalepa Jesús, ixim'me icueya limane. Ticuayi:

—Acueca' iŀque litaiqui'. Laŀpomxiye nomuc'iyalepá locuxepa LanDios, iŀne aimi'onŀspola' to Jesús.

²³ Jiŀpiya pe lafoŀyomma tipa'a anuli cal xans litsufaipa conta'a. Cal xans ija'a'ma ujfxi. ²⁴ Timi:

—Ima' conJesús mas Nazaret, ¿te cof'epa? ¿Te cotsufaicomma ima' fa'a pe laŀmana'? ¿Te aga ocuai'ma fa'a ma le'a aŀjou'ne'monga'? Iya' nimet-saicohuo'. Ima' umPaxi, o'huayomma LanDios.

²⁵ Jesús itale'ma, timi:

—¡Ti-ch'ixcotso! ¡Taipanni iŀca'a cal xans!

²⁶ Lonta'a ife'ne'ma ujfxi cal xans, ija'a'ma ujfxi, ipananni. ²⁷ Lan xanuc' nomana' jiŀpe lajut'ŀ ixim'me acueca' li'ipa. Icuis'e'moltsi, timiyoltsi:

—¿Te jale iŀta'a lataiqui'? Iŀca'a Jesús ituca' lomuc'iyalepa. Icueya limane, jouc'a lontahue ticuxela', iŀne ticuec'eyi.

²⁸ Aiquicoł'ma. Ixpehuaitsi lataiqui' loya'apa li'epa Jesús. Ni petsi al distrito Galilea icuej'me li'ipa.

²⁹ Jesús jouc'a ts'ilihuequi, ihniya Simón, Andrés, Jacobo y Juan, ipalunca lajut'l pe lafołyomma, iye'me lilejut'l Simón y Andrés. ³⁰ Li'maco Simón tunouya textafque. Tepi'i quipinu'. Aiquicoł'ma, u'i'me Jesús textafque łaca'no'. ³¹ Jesús ihoc'huai'ma pe lopa'a łaxtafpa. I'noł'e'ma limane. Icutsu'ma łafcuana. Ihojn-na'ma łipinu'. Ixałcona'ma. Itsahue-nanni, ites'mi'mola'.

³² Ihe litine joup'a if'acołaip'a i'ipa ipuqui', lan xanuc' itaic' lilefcuallay, jouc'a litsufłaiyila' contahue. ³³ Jahuay lan xanuc' nomana' liłya' icuaiyunca, efołunni lico lajut'l. ³⁴ Jesús ixał'mena'mola' axpela' lan xanuc', axpej cuana. Jouc'a icuxe'mola' lontahue tipalnanca lan xanuc'. Lontahue imetsaico'me Jesús. Iłque ticua: "Lontahue aimuya'acona'me". Tołiya i-ch'ixc'e'mola'.

³⁵ Icuaitsi liłic'ejma ma' aquipuqui', Jesús it-sahuenni, ipanni liłya', i'hua'ma petsi ailopa'a quıłya'. Jiłpe ipalaic'o'ma ŁanDios. ³⁶ Simón jouc'a liłejmale ehue'me Jesús. ³⁷ Ixim'me, timiyi:

—Lan xanuc' tehuehuo'.

³⁸ Jesús timila':

—Łepá. Łepá łaiquifelołya' lan huejnca lomana'. Ticuicomma cu'itsola' jouc'a ihniya Lataiqui' loya'apa ihe al c'a lixpıc'epa ŁanDios.

³⁹ Ti'huaf'cay jahuay al distrito Galilea, lajut'li pe lafołyomma lan xanuc', jiłpe tu'iyale ihe Lataiqui'. Tipa'e'ela' lan xanuc' liłpontahue.

⁴⁰ Anuli litine icuaitsi pe lopa'a Jesús anuli cal xans iteca cahuí, íte al cuana cuftine al lepra. Itque exc'onlingai'ma. Tixahue'e, timi:

—Ja'ni ima' opic'a, nipajnya ałsał'mena'ma laicuana. Ał'inla' limpio.

⁴¹ Jesús ixim'ma acuanuc' łafcuana. I'nij'ma li-mane. Ixpayaf'ma, timi:

—Ne', aipic'a. Iya' caxał'me'mo'. ¡Tixałcontso'! ¡Ti'intso' limpio!

⁴² Aiquicoł'ma, iłojn-na'ma lehui, ixałcona'ma.

⁴³ Aiquicoł'ma, Jesús ixc'ai'i'ma, ⁴⁴timi:

—Aimo'itola' lan xanuc' íte lai'e'epo'. Aimoy-out'le'ma. Nij naitsi nocuejya. To'huanla', tomujoxi pu'hua ła'ailli'. Totsufcota LanDios to Moisés licuxe'epola' ts'ihẽpra, íte jounpa i'ınapola' limpio. Tołta'a ałsim'monga' lihuejcoyi íte litaiqui' Moisés.

⁴⁵ Itque łixałconapa i'hua'ma, ipango'ma uya'a'ma li'e'epa Jesús. Tołta'a Jesús aimi'ıya mitsufaiya łiteloıya'. Tipanemma petsi ailopa'a quııya'. Lan xanuc' quıyoyomma ni petsi łiteloıya', tııcuaiyumma pe lopa'a Jesús.

2

¹ Lijounpa luyaipa oquej fanej quitine, Jesús ipainanni, itsufaiconama liıya' Capernaum. Lan xanuc' icuej'me Jesús tipa'a lajut'ł. ² Aiquicoł'ma icuaiyunca axpela' lan xanuc', efot'le'mołtsi. Imantsi lajut'ł jounca lico cajut'ł. Jesús tu'ıla' Lataiqui' loya'apa íte al c'a lixpice'epa LanDios. ³ Ocuenaye lan xanuc' icuaiyunca jııpe łuna. Amalujxi iłniya iłtaic' anuli łuhuaqueya xans. ⁴ Ipa'ne'mola' lefoıya, aimi'ıya muyalaicoyacu, micuaiyacu pe lopa'a Jesús. If'ajli'me lajut'ł,

enai'e'me luhua'e lajut'ł jilpe al toncay pe lacaxu Jesús. Małpiya ecajm'mi'me cal xans lonafya lihujm-ma', ipo'ningaitsi li'mitsi' Jesús.
⁵ Jesús ixim'mola' ihniya ti'huaiyinyi, ticuayi: “Tixał'mena'ma”. Timi luhuaqueya:

—Mai'hua, joupa iłojn-napa lojunac'.

⁶ Ticutshuołanna jilpiya hualca lomxiye nomuc'iyalepá locuxepa ŁanDios. Ihniya ticuayi liłpicuejma': ⁷ “Iłque cal xans, ¿te conescopa tołta'a? Ma le'a quituca' ŁanDios nipajnya tiłonc'e'e'mola' liłjunac' lan xanuc'. Iłque ti'onlicoyoxi to ŁanDios.”

⁸ Jesús aikuicoł'ma i'i'ma quixina' te lonespa lan xanuc'. Timila':

—Imanc', ¿te cołnescopa tołta'a lołpicuejma'? ⁹ ¿Pe copa'a xonca lipime? ¿Te cataiqui' caifmiya łafcuana? ¿Camila': “Lojunac' joupa iłojn-napa”, o camila': “Totsahuenanni, tonif'nała' łohujm-ma', to'huanła'”? ¹⁰ Itsiya camuc'i'molhuo' icueya laimane. Iya' iłque cal Xans Łiximpa cal profeta pu'hua lema'a. Ma capa'a fa'a li'a łamats' ti'i'ma quimenc'e'eco'mola' liłjunac' lan xanuc'.

Ipalaic'o'ma luhuaqueya, timi:

¹¹ —Iya' camihuo', totsahuenanni, tonif'nała' łohujm-ma', to'huanła' lomejut'ł.

¹² Luhuaqueya aikuicoł'ma itsahuenanni, inif'ma lihujm-ma'. Mehuelojnyi lan xanuc', ixim'me ipanni, i'huana'ma. Ixpailij'mola', tinesyi:

—Acueca' juaiconapa li'epa ŁanDios. Tołta'a li'ipa aicałsina', ni anulemma.

¹³ I'huacona'ma Jesús łema al cuecaj quin'nuhua'. Jahuay lan xanuc' iye'me pe lopa'a. Timuc'ila'. ¹⁴ Lijoupa limuc'iyalepa, ti'hua tuyaipa, ixim'ma anuli cal xans cuftine

Leví, i'hua Alfeo. Itque Leví ticutsu petsi lo'najts'i'iyaleyompa. Jesús timi:

—Lihuejla'.

Leví itsahuenni, ihuej'ma Jesús.

¹⁵ Jesús jouc'a ts'ilihuequi icuaitsa lejut'l Leví, ticutshuolanna, titetsoyi. Titetsoyi jouc'a axpela' lin'najtsi'iyale jouc'a ocuenaye lan xanuc'. Jahuay ihniya a'i mihuejyi locuxepa ËanDios. Axpela' ihniya tihuejyi Jesús. ¹⁶ Lomxiye nomuc'iyalepá locuxepa ËanDios jouc'a lan xanuc' fariseo ehuelojm'me Jesús titetsoyi anuli lin'najts'i'iyale y locuenaye lan xanuc'. Imetsaiconnila' ihne aimihuejyi locuxepa ËanDios. Timinnila' ts'ilihuequi Jesús:

—Tołsinle, lołpomxi titetsoyi anuli lin'najts'i'iyale y locuenaye lan xanuc'. Jahuay ihniya aimihuejyi locuxepa ËanDios.

¹⁷ Jesús icuej'ma lonespa ihniya. Timila':

—Lan xanuc' ja'ni a'i mextafquila' aim-icuicomma mi'e'enyacola' cafxi. Lafcuallay linca ticuicomma no'eyacola' cafxi. Iya' aicuaicoco'ma cajoc'i'mola' ts'iljunac'. Aicajoc'iyacola' petsi ailopa'a quijunac'.

¹⁸ Anuli litine tixnet'lyi aimitetsoyi ts'ilihuequi Juan Bautista jouc'a lan xanuc' fariseo. Icuaitsa lan xanuc' pe lopa'a Jesús, timiyi:

—Ts'ilihuequi Juan jouc'a lan fariseo tixnet'lyi, aimitetsoyi. Ihne lihuejhuo', ¿te aimixnet'lyi?

¹⁹ Jesús italai'e'e'mola', timila':

—Ma mipa'a łamijcano łamaneya, ¿te tixnet'l'me, aimitetsoyacu ts'ilejmale? A'i. Anuli milmana' łamaneya, aimi'iya mixnet'lyacu. ²⁰ Ticuaihuo

litine aimimajnconayacu anuli, iŕe litine linca tixnet'ŕime.

²¹ 'Al ts'e quijahua' aimi'iya manajmot'hicoya lafane quijahua'. Ja'ni toŕta'a to'ela', al ts'e quijahua' tetehuo, tijouŕa' lafane quijahua' tits'aŕquehuo xonca. ²² Aimoc'ej'miya al ts'e vino petsi lafanej ponta quixmi. Ja'ni to'etsi toŕta'a, al ponta quixmi tits'aŕquehuo, timinsco'ma al vino, timinsco'ma jouc'a al ponta quixmi. Al ts'e vino tic'ej'minni al ts'e ponta quixmi.

²³ Anuli litine conxajya, Jesŕs jouc'a ts'ilihuequi tuyalaicoyi nolojmay cal trigo. Muyalaicoyi, ts'ilihuequi ipango'me ipa'a'me lixpaj trigo.

²⁴ Lam fariseo timiyi Jesŕs:

—;Toxintsola' lihuejhuo'! Itsiya itine conxajya. Ailopa'a lane mi'eyacu toŕta'a.

²⁵ Jesŕs timila':

—Imanc', ŕte a'i coŕsuec' liniliya loya'apa li'epa cal rey David? Icuaitsi litine unle'enca iŕque jouc'a liŕejmale, ailopa'a cotejacu. ²⁶ David itsufai'ma lejut'ŕ LanDios. Jiŕpe tipa'a lam paxi ca'í. Iŕne la'í tipa'a lane tite'me ma le'a la'aillí, a'i lan xanuc'. David ite'ma jouc'a epi'i'mola' liŕejmale, ite'me. Toŕta'a i'ipa mipa'a Abiatar cal cuecaj ca'ailli'.

²⁷ Jesŕs ti'hua tipalaic'ola' lan xanuc', timila':

—LanDios ate'a ilanc'epa cal xans, lijou'ma enaj'ma litine tunxajla' cal xans. A'i quenaqui litine ate'a. ²⁸ Iya' iŕque cal Xans Liximpa cal profeta pu'hua lema'a. Iya' cacuxe'ela' laixanuc' te lo'eyacu iŕe litine conxajya.

3

¹ Ocuena quitine conxajya, Jesús itsufaicona'ma lajut'í petsi lafoŷomma lan xanuc'. Jitpe tipa'a anuli cal xans ijuŷpa limane. ² Lam fariseo tehuelojnyi Jesús. Ti'huilaic'oyi ja'ni tixaŷ'me'ma cal xans iŷe litine conxajya. Tehueyi te co'iya micuxecoyacu. ³ Jesús ipalaic'o'ma cal xans, iŷque ts'ijut quimane. Timi:

—To'huanni fa'a. Tacaxla', tahuoc'ocotsola' lan xanuc'.

⁴ Icuis'e'mola' lam fariseo, timila':

—Lu'iŷa', litine conxajya, ¿te lapi'inga' lane aŷ'eŷe al c'a? O ¿aŷcuxe'enga' aŷ'eŷe lixcay? ¿Nipajnya lunŷu'e'me lipitine cal xans o aŷma'a'me?

Iŷniya aiquiŷtalai'e. Ch'ix le'a. ⁵ Jesús ehuelojm'mola' iŷne lam fariseo. Tixtuc'ola'. Tixhueŷma, ixina' iŷniya joupa ipo'nopá liŷpicuejma', aiquiŷcueca.

Jesús timi cal xans:

—To'nijla' lomane.

Cal xans i'nij'ma limane. Ixaŷcona'ma.

⁶ Lam fariseo aiquicoŷ'mola', ipalunca, iye'me ipalaic'otsa lixanuc' cal rey Herodes. Tehueyi te co'iya mima'ayacu Jesús.

⁷ Jesús i'huana'ma. Iŷque jouc'a ts'ilihuequi iye'me al cuecaj quin'nuhua'. Iyenc'e'me axpela' lan xanuc' quiyoyomma al distrito Galilea. ⁸ Lan xanuc' ni petsi lomana' icuej'me al cueca' lo'epa Jesús. Icuej'me iŷne nomana' al distrito Judea jouc'a nomana' al cuecaj quiŷya' Jerusalén, jouc'a nomana' ŷamats' Idumea, jouc'a nomana' lu'hua quiyay al pana' Jordán, jouc'a nomana' ŷilemats' ŷileloŷya' Tiro y Sidón. Axpela' iŷniya icuaiyunca

pe lopa'a Jesús. ⁹ Lixim'mola' axpela' quefoŷya Jesús icuxe'e'mola' ts'ilihuequi ti'hua'anca anuli al barco, tipo'noŷe lema al cuecaj quin'nuhua'. Ja'ni lan xanuc' tipango'me titantsi'me Jesús, iŷque tit-sufai'ma al barco. ¹⁰ Joupa axpela' ixaŷ'mepola', toŷiya itsiya jahuay lafcuaŷŷay, axpej cuana, tum-metsaiyoŷtsi, tiyeŷe ahuejnca Jesús, tiŷaŷle. ¹¹ Lan xanuc' pe litsufaiyila' contahue, lixim'me Jesús, ecanghuoŷaŷtsa li'mitsi'. Lontahue tija'ayi, timiyi:

—Ima' i'Hua LanDios.

¹² Jesús itale'mola' ujfxi. Timila':

—Aimunlu'itola' lan xanuc' toŷta'a.

¹³ Lijou'ma if'aj'ma hijuala. Joupa ixpic'epa naiŷniya ts'ilihuequi tiyouyunca. Ijoc'i'mola'. Icuaitsa pe lopa'a. ¹⁴ I'huij'f'e'mola' imbamaj coquexi' timajnle anuli. Tumme'mola' tuya'ata Lataiqui' loya'apa iŷe al c'a lixic'epa LanDios. ¹⁵ Epi'i'mola' liŷmane tipa'ata lontahue litsufaiyila' lan xanuc'.

¹⁶ Jifa'a tipa'a liŷpuftine iŷniya limbamaj coquexi': Simón, ŷecui'impa Pedro,

¹⁷ Jacobo y Juan, inaxque' Zebedeo. Iŷne loquexi' Jesús ŷecui'ipola' Boanerges.

Iŷe laŷtine locuajmaispa: Iŷne noquimf'epá, nocuec'epá lonespa LanDios.

¹⁸ Andrés y Felipe,

Bartolomé y Mateo,

Tomás y locuena Jacobo, iŷque i'hua Alfeo,

Tadeo y locuena Simón, iŷque ŷecui'impa cal cananeo,

¹⁹ jouc'a Judas Iscariote, iŷque nocuya Jesús.

²⁰ Jesús itsufaipa anuli lajut'ŷ. Efoŷt'ŷeconam'ŷoŷtsi axpela' lan xanuc'. Jesús jouc'a ts'ilihuequi aiŷqui'i'ma quitetso'me. ²¹ Licuejpá lipimaye Jesús

tołta'a li'ipa, ines'me: Jesús iminscopa lipicuejma'. Ipalunca, iye'me, tileconna Jesús.

²² Jiłpe pe lopa'a Jesús timana' hualca lomxiye nomuc'iyalepá locuxepa LanDios, quiyoyomma liłya' Jerusalén. Iłniya ticuayi:

—Jesús itsufaipa łonta'a cuftine Beelzebú. Iłque nocuxepola' contahue epi'ipa limane Jesús tipa'atsola' lontahue.

²³ Jesús ijoc'i'mola' iłniya lomxiye, timila':

—¿Te całtalai'e'eya imanc'? ¿Te aga łonta'a Satanás tihuescuf'ma lipima conta'a?

Ti'hua tipalaic'ola'. I'onticopa to lo'ipa. Timila':

²⁴ —Ja'ni tenajtsołtsi lan xanuc' anuli al nación, ja'ni ti'etsołtsi oque', iłe al nación tijou'ma lipujfxi. ²⁵ Ja'ni lan xanuc' nomana' anuli lajut'ł tenajtsołtsi, ja'ni ti'etsołtsi oque', aimimajnconayacu anuli, jiłpe teca'nena'mołtsi, ailopa'a co'eyacu.

²⁶ Łonta'a Satanás ja'ni joupa ehuc'huaipola' lif'as contahue, itsiya coła' aimi'hua limane.

²⁷ 'Ja'ni anuli cal xans ixpic'epa titsufaiłta' lejut'ł ocuena cal xans juaiconapa ipujfxi, ja'ni ixpic'epa tiłonc'e'eta' hi'huexi, iłque notsufaiya, ate'a tifi'eta' iłque cal xans ts'ipujfxi, tijoułta' nipajnya titsufai'ma, tiłonc'e'eta' hi'huexi. Ja'ni aimifi'e, aimi'iya mitsufaiya lajut'ł, miłonc'e'eya hi'huexi.

²⁸ 'Iya' camilhuo' al linca: Jahuay lo'epa o lonespa cal xans, ti'i'ma timenc'e'ecom'me. ²⁹ Ma le'a ja'ni aimimetsaicoyi lo'epa cal Espíritu Santo, iłniya aimiłonc'e'enyacola' liłjunac'. Titai'me nulemma.

³⁰ Tołta'a Jesús limipola' iłniya nonespá: “Jesús itsufaipa conta'a”.

³¹ Icuaiyunca qui'máma' jouc'a lipimaye Jesús. Ecaxoł'me łuna. Iłojf'i'me anuli cal xans tijoc'itsi Jesús. ³² Jesús ticusc'o nolojmay cajutł, timuc'iyale. Jilpiya timana' axpela' lan xanuc' ticutshuołanna tiquimf'eyi lomuc'ipola' Jesús. Timiyi:

—Co'máma' jouc'a lopimaye timana' łuna tehuehuo'.

³³ Jesús timila':

—¿Naitsi cai'máma'? ¿Naitne caipimaye?

³⁴ Ehuelojm'mola' lan xanuc' nocutshuołanna, ticua:

—¡Tłcuejle! Jifa'a ticutshuołanna cai'máma' jouc'a laipimaye. ³⁵ Pe naihuejcopa ŁanDios, iłquiya aipima xans, o aipima caca'no', o ai'máma'.

4

¹ Mipa'a Jesús łema al cuecaj quin'nuhua', ipango'ma imuc'icona'mola' lan xanuc'. Efołunni juaiconapa axpela'. Jesús if'aj'ma anuli al barco. Icutshuai'ma jilpiya. Al barco texpef'que. Lan xanuc' efołumma łema caja. ² Juaiconapa imuc'i'mola' lan xanuc'. Ipalaico'ma lo'epa ŁanDios fa'a li'a łamats'. I'onłico'ma. Timila':

³—Ałquimf'ela' imanc':

'Icuai'ma litine cafaya, i'hua'ma cal xans tifata. Eca'nitsi lam fanuj trigo. ⁴ Meca'ni lam fanuj trigo, oquej afane' lam fanu' ecangenni lane. Icuaiyunca lacał'hui naiyulpá, itejn-na'me.

⁵'Oquej afane' lam fanu' i'nif'cołaitsa lixmi capic, tipa'a ahuata łacamats'. Lam fanu' aiquicoł'mola' ila'mola'. ⁶ Lijou'ma ipammaiyunni cal 'ora,

linu' ipi'epola' lilapola' lam fanu'. Ijułnapola'.
Aiquif'acaic' hime.

⁷ 'Hualca lam fanu' itsuc'huaita jilpe litac'.
Litoj'ma litac', ejec'opola' laifa'. Aiquixpaj'ma.

⁸ 'Ocuenaye lam fanu' etojmołaitsa cal c'a camats'.
Ila'mola', itoj'mola', i'ipola' quixpa. Anuli
łajfanu' ipammaitsi anuxans quimbama', ocuena
cal fanu' ipammaitsi afanej nuxans, ocuena'ya
ipammaitsi amaxnu.

⁹ Lijoupa luya'apa ile litaiqui', Jesús timila':

—Naitsi nocuejpa, ałquimf'eła' iya' laitaiqui'.

¹⁰ Lijoupa liyeyołnapá lan xanuc', imanenca
Jesús jouc'a limbamaj coquexi' y locuenaye
ts'ilihuequi. Iłniya ixa'hue'me Jesús, timiyi:

—Lu'itsonga', luhuałc'e'etsonga' ile lotaiqui'.

¹¹ Jesús timila':

—ŁanDios epalc'o'ipolhuo' imanc' lołpicuejma',
tołta'a tołcuec'eyi lipime cataiqui'. Ile lataiqui'
tuya'e' lo'ipa petsi lan xanuc' tihuejcoyi ŁanDios,
ilque cal Cuecaj Rey. Ocuenaye lan xanuc' petsi
aimihuejcoyi ŁanDios, ilne ma le'a tiquimf'eyi. Ile
lataiqui' lo'onłicopa lo'epa ŁanDios ilne lan xanuc'
aimi'iya mihuałc'eyacu. ¹² Tołta'a ti'ila' to loya'apa
al Paxi Linilıngiya, ticua:

Ti'hua tehuelojnle, tijouła' aimixinyacu.

Ti'hua tiquimf'ełe, tijouła' aimicuejyacu.

Ja'ni a'i tołta'a lił'ejma' tixhuejmenacu, ŁanDios
timenc'e'eco'mola' lixcay li'epá.

¹³ Jesús ti'hua tipalaic'ola', timila':

—Ja'ni aicołcueca ile laitaiqui' lai'onłicopa lo'epa
ŁanDios fa'a li'a łamats', ¿te co'iya mołcuec'eyacu ja'ni
ca'onłico'ma xonca lo'epa ŁanDios?

14 'Cal xans nofapa ti'onłcospa to itłquia noya'apa litaiqui' ŁanDios. 15 Łamats' lane pe lecegeyonni lam fanu' ti'onłcospa to lan xanuc' itłniya ma le'a tiquimf'eyi litaiqui' ŁanDios. Aimicołya łonta'a Satanás. Ticuaihuo, tiłonc'e'e'mola' lataiqui' lifayipa liłpicuejma'.

16 'Łaj huata łacamats' łopa'a lixmi capic ti'onłcospa to locuenaye lan xanuc' miquimf'eyi litaiqui' ŁanDios tixoqui quileta tepenufyi. 17 Ite Lataiqui' aimifayiya liłpicuejma', oquej fanej quitine tihuejcoyi. Ticuaiłsi lixhuejma', o lił'as xanuc' tix-tuc'ontsola' itłniya naihuejpa' litaiqui' ŁanDios, itłne aimicołyacola', tenajna'mołłsi, aimihuejconayacu.

18 'Łamats' pe łopa'a litac' litsuc'huaita lam fanu' ti'onłcospa to locuenaye lan xanuc' noquimf'epá litaiqui' ŁanDios. 19 Ite xonca tixhuj'mecoyi te co'iya muyalayıacu lapajnya. Tifel'miyołłsi, ticuayi: "Lulijle acuecaj calłomi. Tołta'a luyalaico'me al c'a." O tixhuj'mecoyi te co'iya mulijyacu xonca quili'huexi. Ma to litac' ejec'opola' łaiifa', a'i quixpaj'ma, ma tołe itłne lan xanuc' li'ipola'. Tama joupa ifapa liłpicuejma' litaiqui' ŁanDios, tiłmanemma tołta'a, tocomma a'i quilepenufi ite lataiqui'.

20 'Cal c'a camats' pe lifampa ti'onłcospa to locuenaye lan xanuc' noquimf'epá litaiqui' ŁanDios. Ite tepenufyi ite lataiqui', tipammolaispa liłpepajnya. Hualca ti'onłcospa to łamats' petsi cal fanu' liłpammaita anuxans quimbama', locuenaye petsi liłpammaita afanej nuxans, locuenaye petsi liłpammaita amaxnu.

21 Jouc'a timila':

—Imanc' molunai'i'me lołpepalc'o', aimołc'ommumijyacu alxpicołma c'ec, ni aimoł'nicoyacu licu'u hualfa. Toł'nof'e'me pe lołxu'epa. ²² Ticuaihuo litine ti'huájta lemiya, jouc'a ti'huájnata letemiquiya, tixinim'me.

²³ 'Naitsi nocuejpa, ałquimf'ela' iya' laitaiqui'.

²⁴ Ti'hua timuc'iyale, tu'ila':

—Tołpo'nołe cuenna laifmipolhuo': Imanc' iłe lołspic'ecopola' locuenaye, tołta'a iłniya tepi'icona'molhuo'. Xonca axpe' tepi'im'molhuo'.

²⁵ Cal xans ts'i'hueca, xonca tepi'im'me. Łocuena, ja'ni aiqui'hueca, texic'ena'me.

²⁶ Jouc'a tu'ila':

—Iłe li'ipa anuli cal xans leca'nipa lam fanuj trigo łemats', ti'onłcospa to lo'ipa petsi ŁanDios cal Cuecaj Rey tijoc'ila' lan xanuc' tihuejle. ²⁷ Lijoupa leca'nipa łitriego, cal xans ti'hua tuyaijma lapajnya. Lipuqui' tixmay, litine titsahuemma, lam fanu' tilá, titoqui łaifa'. Cal xans aiquixina' te co'ipa mitoj'ma łaifa'. ²⁸ Łamats' quituca' timaf'i'i' łaifa'. Ate'a titoqui, tijouła' tixpaqui, tijouła' tumfumma lixpá, titoqui łifanu'. ²⁹ Lunta'amma lixpá cal xans ixina' joupa icuai'ma litine tefot'łeta cal trigo. Aimicołya, tetejta.

³⁰ Jouc'a tu'ila':

—¿Te cał'onłicoyacu lo'ipa petsi ŁanDios tijoc'ila' lan xanuc' timetsaicole, tihuejle iłque cal Cuecaj Rey? ¿Te ts'i'ic' mał'onłicoyacu?

³¹ 'Lo'ipa jilpe ti'onłcospa to lo'ipa cal fanu' sinapí. Mifam'me, i'huáqui tuquini łajfanu'. Pesti jahuay cal fanu' łofampa łamats', ailopa'a xonca caca'hua. ³² Lijoupa lifampa tila'ma, titoj'ma

acueca' laifa'. Ailopa'a quitamqui mitoqui to itla'a lifampa. Limané itoqui, atsila'. Laca'l'hui naiyulpá tunxajyoyi jilpe lipunxahua.

³³ Ma to ilna'a lataiquí toíta'a juaiconapa i'onhico'ma lo'epa fa'a li'a lamats' LanDios cal Cuecaj Rey. Lo'huajcocoyacola' lipicuejma' toíta'a timuc'ila' Jesús. ³⁴ Ti'hua ti'onhijma ile lo'epa LanDios. Aimipalay acuajmaica. Jesús y ts'ilihuequi limanenca quilituca', ilque tuhuałc'e'ela' lataiqui'.

³⁵ Małe litine joupa if'acołaipá timila' ts'ilihuequi:

—Ałquełe al cuecaj quin'nuhua'.

³⁶ Jesús joupa icutshuaipa al barco. Ts'ilihuequi Jesús ipo'nom'mola' lan xanuc' lefołya jilpiya, if'ajli'me jouc'a al barco. Ipango'me iquie'me al cuecaj quin'nuhua'. Ocuenaye lam barco jouc'a tiquieyi. ³⁷ Aiquicoł'ma, i'hua'ma ujfxi łahua'. Itsahuenni laja', ic'ejmaitsi caja', imantsi al barco. ³⁸ Jesús tunouya lipo al barco. Tixmay, unaf'caipa al ponta quijahua'. Ts'ilihuequi ummef'me, timiyi:

—Momxi, ałma'a'monga' laja'. ¿Te aimatsuelcocongá'?

³⁹ Jesús itsahuenni, itale'ma łahua', timi laja':

—Ch'ixca. Aimofe'necona'ma.

I-ch'ixco'ma łahua'. Ipanenni. ⁴⁰ Jesús timila' ts'ilihuequi:

—¿Te coxpailjcopolhuo'? ¿Te qui'ipolhuo'? ¿Te aimal'huaiyinge'?

⁴¹ Ixpailjpolá' juaiconapa ilniya ts'ilihuequi. Timiyoltsi:

—¿Naitsi xans itca'a? ¡Jouc'a lahua', laja ticuec'eyi itque locuxe'epola'!

5

¹ Icuaitsa locuena lema caja jilpe hilemats' lan xanuc' gadareno. ² Ipanni Jesús al barco. Aiquico'l'ma, icuaico'ma anuli cal xans qui'huayomma jilpiya lamuhuołanna lomanapola'. Itque cal xans litsufaipa conta'a. ³ Lipanga jilpe lamu'empola' lomanapola'. Aimi'iya mifi'enyacu ni cadena catejma'. ⁴ Tifi'econni acadena, inic'e'econni atejma' limane li'mitsi'. Itque tits'alquinghua lan cadena, tixquetsufinghua latejma'. Ailopa'a cal xans ts'ipujfxi xonca. Ailopa'a nolijya. ⁵ Ipuqui' itine tipa'a pe lamu'empola' lomanapola', jouc'a pe hijualay, tija'e', tits'alyoxi capic, tixcai'eyoxi. ⁶ Cal xans ixim'ma icuaico'ma Jesús aculi'. Aiquico'l'ma, i'hua'ma italecuftsi, exc'onłingai'ma li'mitsi' Jesús. ⁷ Ija'a'ma ujfxi, timi:

—Jesús, ima' i'Hua cal Cuecaj LanDios Nopa'a lema'a, ¿te cocuaiyoco'ma? ¿Te ts'opic'a fa'a? Iya' cacuaj'mi'ma lipuftine LanDios, caxa'huehuo' aimatfel'mi'ma.

⁸ Tołta'a linespa łonta'a. Jesús joupa imipa:

—¡Ima' monta'a, taipanni itca'a cal xans!

⁹ Jesús icuis'e'ma, timi:

—¿Te muftine?

Italai'e'e'ma, timi:

—Laipuftine Legión. Illanc' ninc'xpela'.

(Lataiqui' "legión" tuya'e', ticua: Axpela'.)

¹⁰ Juaiconapa tixa'hue Jesús, timi:

—Aimalipa'a'monga' jifa'a.

¹¹ Jiłpe łaquemala timana' juaiconapa axpela' lijnán tehueyi quıltejua'. ¹² Lontahue ixahue'me Jesús, timiyi:

—Lummetsonga' pe lomana' iłne lijnán. Jiłpe altsuflaita lijnán.

¹³ Jesús epi'i'mola' lane. Lontahue ipalunca iłque cal xans, itsuflai'me lijnán. Iłniya lijnán timana' to oquej mil. Inul'me, imul'me al'ocay. If'alcołai'me laja'. Unxałac'mola'.

¹⁴ Lan xanuc' linhuic'ipola' quijnán inul'me. Jiłpe liłpiıya' jouc'a calx'huiyałma' uya'atsa iłe' li'ipa. Lan xanuc' ipalunca tehuelojnta. ¹⁵ Icuaitsa pe lopa'a Jesús, ixim'me cal xans, iłque colta liłtsufaipa axpela' contahue, ticutsu, ipo'nohuo lipijahua', i'ınapa lipicuejma'. Lan xanuc' ixpailij'mola'. ¹⁶ Iłne niximpá li'ipa uya'a'me te qui'ipa lixałconapa cal xans, iłque liłtsufaipa contahue. Uya'a'me te qui'ipola' lijnán.

¹⁷ Lan xanuc' ipango'me ixa'hue'me Jesús tipanni lilemats', ti'huanła'. ¹⁸ Jesús if'ajna'ma al barco, ti'huaana'ma. Cal xans li'ipa liłtsufaipa contahue tixa'hue, timi:

—Ałłecolá' jouc'a.

¹⁹ Jesús aiquepi'i' lane. Timi:

—To'huanła' lomejutł, jiłpe lomana' lopimaye. To'itsola' al cueca' li'e'epo' ŁanDios. Tomitsola' te ts'i'ic' liłximo' cuanuc'.

²⁰ Cal xans i'huaana'ma, itsehuo'ma petsi lecui'impá: Limbamaj Quılceloıya'. Jiłpiya u'i'mola' lan xanuc' li'e'epa Jesús. Lan xanuc' ixim'me acueca' li'epa Jesús, ixpailij'mola'.

²¹ Jesús iquiecona'ma al cuecaj quin'nuhua'. Licuaiyocontsi al barco locuena lema, icuaitsa axpela' lan xanuc', efot'le'moŋtsi anuli Jesús lema caja. ²² Jiŋpiya icuaitsi anuli cal xans ipenic' lajut'ŋ pe lafoŋyomma lan xanuc'. Cuftine Jairo. Lixim'ma Jesús, exc'onŋingai'ma li'mitsi', ²³ tixa'hue juaiconapa, timi:

—Łai'hua cahuats' juaiconapa textafque. Timana'ma. Łepá. Ma le'a toxpayaf'ta lomane, toxaŋ'menna, ti'hua tipajnla'. ²⁴ Iye'me Jesús jouc'a Jairo. Axpela' lan xanuc' ihuej'me. I'i'mola' atansca, titantsinni Jesús. ²⁵ Jiŋpe tipa'a anuli łaca'no' textafque. Imbamaj coque' camats' ti'hua cajuats' licu'u. ²⁶ Itełcopa juaiconapa. Axpela' lin'e'ehuale cafxi iteł'mipá. I'najtsepola' ihniya, joupa ijou'nenapa li'hueca. Aiquixałma. Ti'hua titsípa licuana. Iłque łaca'no' icuejpa lo'epa Jesús. ²⁷ Nolojmay xanuc' iłoc'huaipa lixpula' Jesús. Iłafc'e'e'ma lipijahua'. ²⁸ Iłque tinesqui lipicuejma': “Ma le'a lipijahua' całafła', tołe ałsałcona'ma”. Tot'hiya iłafc'e'epa lipijahua' Jesús. ²⁹ Aiquicoł'ma, ipanenni licu'u. Ixim'moxi ixałconapa. Aimitelcoconaya. ³⁰ Aiquicoł'ma, Jesús ixingufco'ma lipaxi ixał'meyalepa. Ipai'e'moxi nolojmay xanuc', icuis'e'mola', timila':

—¿Naitsi łal—lafpa?

³¹ Ts'ilihuequi italai'e'e'me, timiyi:

—Ima' oxina' jifa'a axpela' lan xanuc' titantsi-huo', ¿te cofmicuitsufcopa: “¿Naitsi łal—lafpa?”?

³² Jesús ti'hua tehuetsale hijuihuay. Tehuay naitsi iłque iłlafpa. ³³ Łaca'no' tixpaiqui juaiconapa, tiyu, iximpoxi ailopa'a quicuana. Iłoc'huai'ma,

exc'onlingai'ma li'mitsi' Jesús. Imi'ma Jesús al linca.
Tuya'e' te ts'i'ic' lixałconapa, timi:

—Aıłafpo' lopijahua'.

³⁴ Jesús timi:

—Mai'hua, ał'huaiyijmpa, toliya ixałconapo'.
Aimoxhuelmot'le'ma. İe al cuana
aimitel'miconayaco'.

³⁵ Ma mipalaic'o łaca'no', icuaiyunca lan xanuc'
quiyouyomma lejut'ł Jairo, ilque ts'ipenic' lajut'ł pe
lafolyomma lan xanuc'. Timiyi Jairo:

—Joupa imanapa ło'hua. ¿Te ti'hua cofxoc'icoya
łomxi?

³⁶ Jesús icuej'ma lu'impa Jairo. Timi:

—Aimixpaij'mo'. Ma le'a ał'huaiyijnla'.

³⁷ Jesús ileco'mola' Pedro, Jacobo, jouc'a Juan,
ilque ipima Jacobo. Timila' locuenaye xanuc'
aimiyocu. ³⁸ Icuaitsa lejut'ł cal xans, ilque
ts'ipenic' lajut'ł pe lafolyomma lan xanuc', Jesús
ehuelojm'mola' lo'epa lan xanuc', tijolijyi, tija'ayi.

³⁹ Itsufai'ma lajut'ł, timila':

—¿Te colja'acopa? ¿Te coljolijcopa? Łahuats'
aiquimac', ma le'a tixmay.

⁴⁰ Aiquil'aic' linca. Ma le'a ixoco'me. Jesús timila':

—Jahuay imanc' tolipalunca.

İleco'mola' qui'ailli', qui'máma' łahuats', jouc'a
lam fantsi ts'ilihuequi. Itsuflai'me pe lonouya
łahuats'. ⁴¹ Jesús i'noł'e'e'ma limane łahuats', timi:

—Talıtá kumi.

(İe lataiqui' lohuałquemma ticua: Macahuats',
camihuo', totsahuenni.)

⁴² Aiquicol'ma, łahuats' itsahuenanni, ipango'ma
i'hua'ma. İxhuaita imbamaj coquej łemats'.
İne lan xanuc' lixim'me li'ipa xpailij'mola'

juaiconapa. ⁴³ Jesús juaiconapa ixc'ai'i'mola', timila':

—Aimoluya'ata lai'e'epa ľahuats'. Nij naitsi nocuejya.

Lijoupa limipola' toľta'a, icuxe'e'mola', timila':

—Toľtes'mile ľahuats'.

6

¹ Jesús ipanni jilpiya, icuaitsi lipiľya'. Jouc'a ts'ilihuequi iye'me. ² Licuaitsi litine conxajya it-sufai'ma lajut'ľ pe lafoľyomma lan xanuc'. Jilpe ipango'ma imuc'iyale'ma. Licuej'me iľe litaiqui', axpela' lan xanuc' etenľcoco'mola', timiyoltsi:

—Iľque cal xans, ¿naitsi lepi'ipa lipicuejma'? ³ ¿Te maľque ľinc'alhuaľpa? O ¿a'i iľque? ¿Te iľque i'hua Maria? ¿Te a'i iľquiya iľpima Jacobo, José, Judas y Simón? Fa'a jouc'a timana' lipimaye cacaľ'no'.

Iľniya lan xanuc' aiquicuaiťsi quilpic'a lo'epa Jesús, etets'i'me.

⁴ Jesús timila':

—Anuli cal xans ľummepa ŁanDios, mipa'a ocuena quilľya' pe lomana' locuenaye lan xanuc', iľniya ticuaispa quilpic'a lo'epa iľque. Tipainanni, ticuaitsi lipiľya' pe lomana' lixanuc', lopa'a lejut'ľ, jilpe ľinca tetets'ita.

⁵ Mipa'a Jesús lipiľya' aici'aic' cueca' jilpe. Ma le'a ixpayaf'mola' oquexi' afantsi ľafcuallay, ixal'me'mola'. ⁶ Ixim'mola' iľne lipiľya' xanuc' aiquil'huaiyinge. Ixhueľco'ma juaiconapa.

I'hua'ma ehuent'sola' ľaiquielolľya' anujnca. Jilpe imuc'itsola' lan xanuc'.

⁷ Iľne ľitiné ijoc'i'mola' ľimbamaj coquexi' ts'ilihuequi. Iľne icuaiyunca, ipango'ma

umme'mola' tiyele oquexi' oquexi'. Epi'i'mola' liłmane tipa'atsa lontahue. ⁸Tixc'ai'ila', timila':

—Tonlele, tołtai'me ma le'a lołpaluc. Aimołtai'me cumla'i. Aimoł'nij'mi'me tomi jilpe lołfi'ejma lołcu'u. ⁹Tołc'uaicole lołc'ejí. Aimołpo'no'me oque' lołtsamalo, ma le'a anuli. ¹⁰Lajut'ł petsi tepenuftsolhuo', mołmana' jilpiya liya', małpe tołmajntsa. ¹¹Ja'ni tołcuaitsa petsi aimepenuffinnilhuo', ni aimiquimf'ennilhuo', imanc' tulunafle loł'mitsi', tipanni ilque łamats' litahjmpa lołc'ejí'. Tołta'a ti'ila' quilsina' ma ilne quıltauca' ti'najtse'me liłjunac'.

¹²Ts'ilihuequi ipalunca, uya'a'me Lataiqui' loya'apa ille al c'a lixpica'epa LanDios. U'yiale'me tixhuj'menanca lixcay lo'epa. ¹³Ipa'a'me axpela' lontahue. I'ot'li'me laceite axpela' lafcualłay. İniya ixałcona'mola'.

¹⁴Ni petsi lomana' lan xanuc' tipalaicoyi lo'epa Jesús. Cal rey Herodes joca' icuej'ma lo'epa. Timana' lan xanuc' nocuapá:

—Jesús ilquiya aJuan Bautista, jupa imaf'inapa ipanamma pe lomana' limanapola'. Tołta'a juaiconapa apaxi ilque, ti'ay acueca'.

¹⁵Ocuenaye ticuayi:

—Ilque aElías, icuaiyocona'ma fa'a li'a łamats'.

Ocuenaye ticuayi:

—Ilque aprofeta lummepe LanDios, ti'onłcospa to lam profeta limajmpá fa'a luyaipa quitine.

¹⁶Li'i'ma quixina' Herodes ille lonespa lan xanuc', ilque ines'ma:

—Ilque ma Juan Bautista. Linca aicuxe'ma etec'em'me lejoc', jupa imaf'inapa.

17-18 Herodes joupa exic'e'epa lipeno lipima Felipe. Itquiya łaca'no' cuftine Herodías. Ilecopa. Juan timi Herodes: “O'epa quixcay. ¿Te comexic'e'ecopa lipeno łopima? ¿Te colecocopa? Itque a'i copeno. Ipeno łopima.” Juan limi'ma tołta'a ixtunni Herodes. Icu xepa i'nołintsa, ifi'entsa, itats'entsa. ¹⁹ Łaca'no' Herodías ti'ay quipilaic' Juan. Ijanaj'ma tima'anłe. Aiqui'ic'. ²⁰ Cal rey Herodes tixpaic'e Juan. Imetsaico'ma ac'a xans. I'epa cuenna. Ti'hua tiquimf'e lonespa Juan. Tama aiquicueca, ticuaispa quipic'a litaiqui' Juan.

²¹ Herodías joupa iximpa lo'eya tima'anłe Juan.

Herodes lixhuaita łemats' i'e'ma juic. Ihiya lipuqui' titetsoyi anuli lijoc'ipola', itne lan tsila' quipenic', jouc'a lincuxepá soldado, jouc'a lan tsila' xanuc' nomana' al distrito Galilea.

²² Jilpiya lefołya itsufai'ma hi'hua caca'no' Herodías. Ixau'ma. Icuaitsi quipic'a Herodes jouc'a lijoc'ipola', itne nocutshuołanna jilpiya. Cal rey timi łahuats': “Ałsahue'eła' jale ts'opic'a, capi'i'mo”.

²³ I'e'ma jurar, icuaj'moxi: “Itne łalsahue'eya, tama ti'ila' onłca laifcuxepa, capi'i'mo”.

²⁴ Ipanni łahuats'. I'hua'ma, icuaitsi pe lopa'a qui'máma', timi: “¿Te caifxahue'eya?” Qui'máma' timi: “Toxahue'etsi tepi'intso' hjuac Juan, tetoj'minłe al cuecaj pime”. ²⁵ Aiquicol'ma, łahuats' ipanni, i'huacona'ma ixintsi cal rey. Ixahue'e'ma, timi: “Lapi'ila' hjuac Juan Bautista, to'nij'miła' anuli al pime”. ²⁶ Cal rey ixhuełconni juaiconapa. ¿Te co'eya? Aimi'iya micuanac'eya loxahue'epa łahuats'. Lan xanuc' nocutshuołanna jilpiya joupa icuejpá licuajpoxi. ²⁷ Aiquicol'ma, umme'ma anuli łisoldado, icuxe'ma, timi: “Totaitsi hjuac Juan”. Cal

soldado i'hua'ma, icuaitsi la carza, etec'etsi lejoc' Juan, ²⁸ i'nij'mitsi al pime hjuac, uhui'i'ma ľahuats'. Łahuats' i'hua'ma pe lopa'a qui'máma', uhui'itsi.

²⁹ Ts'ilihuequi Juan icuej'me toľta'a li'ipa. Icuaitsa pe lima'ayompa Juan, itaina'me licuerpo, emunatsa.

³⁰ Ts'ilihuequi Jesús icuainanca pe lopa'a Jesús, efot'ľeconam'ľoľtsi. Joupa iyehuo'me uya'a'huo'me Lataiqui' loya'apa iľe al c'a lixpíc'epa ŁanDios. U'i'me jahuay li'ehuo'me, jahuay limuc'iyalehuo'me. ³¹ Jesús timila':

—Łepá illanc' cactuca'. Łepá pu'huanni pe ailopa'a quilya'. Lunxajta.

Jiľpe pe lomana' Jesús jouc'a ts'ilihuequi, lan xanuc' tiľcuaispa, tiyenayi. Aimi'ya mitetsoyacu, ni Jesús ni ts'ilihuequi. ³² If'ajli'me anuli al barco, iye'me quiltuca' ticuaitsa pe ailopa'a quilya'.

³³ Axpela' lan xanuc' quiyoyomma jahuay ľiľeloľya' ixinim'mola' lif'ajli'me al barco. Imet-saico'mola'. Iľne lan xanuc' iye'me, inul'me, icuaitsa ate'a pe lotseyacu Jesús jouc'a ts'ilihuequi.

³⁴ Jesús jouc'a ts'ilihuequi icuaitsa ľocuena quema caja, ipalunca al barco. Jesús lixim'mola' iľne axpela' lan xanuc' efot'ľeyoľtsi jiľpiya, ixim'mola' acuanuc'la. Ixim'mola' to lam mot'ľ, iľne lam mot'ľ lahue'epola' quilpoujna. Ailopa'a nohuic'iyacola'. Ipango'ma imuc'i'mola'. Axpe' ľataiqui' imuc'i'mola'.

³⁵ Joupa if'acolaipa, ts'ilihuequi Jesús iľoc'olai'me, timiyi:

—Jif'a'a ailopa'a quilya'. Joupa if'acolaipa.

³⁶ Tommetsola' lan xanuc' tiyeľe. Pu'huanni calx'uiyaľma' o ľiľeloľya' ti'nata ľotejacu.

37 Jesús timila':

—Imanc' tolttes'mitsola'.

Italai'e'e'me, timiyi:

—Ticuicomma axpe' la'i, lipitali to lolijya cal xans no'eya canic' apaicoj mut'la. ¿Te tipa'a caltomí al'nacota toltta'a la'i? Aimi'iya mahtes'miyacola'.

38 Jesús icuis'e'mola', timila':

—¿Tojua tipa'a la'i? Tonlete, tolsintsa.

Iye'me, ixintsa. U'icona'me, timiyi:

—Tipa'a amaque' la'í, jouc'a oquexi' latuye.

39 Jesús icuxe'e'mola' ts'ilihuequi ticuxe'entsola' lan xanuc' ticutsołaitē jahuay jipe calxhuaica pajac. 40 Enaj'mołtsi lan xanuc' amaxnu amaxnu, jouc'a oquej oquej nuxans quimbama', icutshuolai'me.

41 Jesús epef'ma lan maquej la'í jouc'a loquexi' latuye, ehuenaf'ma lema'a, ix'najtsi'i'ma LanDios. Ixquenuf'ma la'i, epi'i'mola' ts'ilihuequi, ihne eca'nem'mola' lan xanuc'. Jouc'a loquexi' latuye ixquenuf'mola', epi'i'mola' lan xanuc'. 42 Jahuay itetso'me, ixhuaitsola'.

43 Ts'ilihuequi efot'lena'me lipanecomma la'i jouc'a latuye. Imantsi imbamaj coque' lan tsiquihuit'i. 44 Lan xanuc' litetso'me tixhuaispola' oquej nuxans quimbamaj maxnu. Jouc'a timana' lacał'no', la'uhuay.

45 Aiquicoł'ma, Jesús icuxe'e'mola' ts'ilihuequi tif'ajlıte al barco, tiquiete al cuecaj quin'nuhua', ticuaitsa pe lopa'a lilya' Betsaida. 46 Itque ixc'ai'ina'mola' lan xanuc', if'aj'ma hıjuala, tipalaic'ota LanDios.

47 Muyalaicoyi ts'ilihuequi icuaitsa nolojmay quin'nuhua' imufc'o'ma. Jesús tipa'a lamats'

quituca'. ⁴⁸ Jilpe ehuelojm'mola' ts'ilihuequi nomana' al barco. Ixim'mola' juaiconapa tipa'ayi cafxi tiquiete, aimi'i miquieyi. Italecuf'me lujfxi cahua'. Al fanej hora lipuqui' joupa uyaipa, tehue'e' micuaiya al camts'us 'hora. Icuai'co'ma Jesús ti'huayaf'que laja'. Icuaitsi pe lopa'a al barco, ti'hua mi'hua, tocomma tuyaicota. ⁴⁹ Ts'ilihuequi ixim'me, ticuayi: "Acuecaj quinxpaic'ale". Ija'a'me. ⁵⁰ Jahuay ixim'me. Ixpailij'mola' juaiconapa. Jesús aiquico'l'ma, ipalaic'o'mola', timila':

—Aimixpailij'molhuo'. Toł'etsoltsi acueca' łolunxajma'. Ma iya'.

⁵¹ If'aj'ma al barco pe lomana' ts'ilihuequi. I-ch'ixcona'ma łahua'. Ixim'me acueca' ile li'epa Jesús. Aiquil'cueca. ⁵² Tama joupa iximpá al cuecaj li'epa Jesús ile litine lites'mi'mola' lan xanuc', ite'me łai, ilne ts'ilihuequi aimicuec'eyi. Amuf liłpicuejma'.

⁵³ Lijou'ma liquie'me al cuecaj quin'nuhua', icuaitsa łamats' Genesaret. Jiłpiya ifijm'me al barco. ⁵⁴ Ipalnanca. Aiquico'l'ma, lan xanuc' imet-saico'me Jesús. ⁵⁵ Ni petsi jilpe łamats' icuej'me lan xanuc': "Icuai'ma Jesús, pu'hua o lu'hua tipa'a". Iyec'olaitsa tehueyi Jesús, iłtaic' lilefcualłay tunaf'colanna liłpuxcuif'que. ⁵⁶ Jiłpiya lan tsoçay quitelolıya', o lan tsila' quitelolıya', o calx'huiyałma', ni petsi licuaitsi Jesús, lan xanuc' iłtaic' lilefcualłay jilpe pe lafołyoya. Tixahue'eyi Jesús tepi'itsola' lane lilefcualłay tiłafle, tama ma le'a lipijahua'. Jahuay niłafpá, tixałconala'.

7

¹ Lam fariseo icuaitsa pe lopa'a Jesús, jouc'a icuaitsa lomxiye nomuc'iyalepá locuxepa ŁanDios. Ine quiyouyomma al cuecaj quilya' Jerusalén.

² Ti'huilaic'oyi lo'epa ts'ilihuequi Jesús. Ticuayi: "Ine titetsoyi aiquilulahua al c'a liłmane'. Aimepenufyacola' ŁanDios."

³ Lan xanuc' fariseo tihuejyi liłtatahueló lił'ejma'. Tepajyi liłmane' ticuaispa liłluxluc.

⁴ Miye'me laplaza, miyelocota, micuainacu lilejut'ł ate'a tepo'me, tijouła' titetso'me. Tihuejyi axpe' quili'ejma'. Tipa'a lił'ejma' mepaj'me liłpime, liłcatsitu, liłepixú, lolanc'ecompa atejma' cuftine acobre, jouc'a liłhualfa. Ticuayi: "Tołta'a ipic'a ŁanDios".

⁵ Ine icuis'e'me Jesús, timiyi:

—Ine lihuejhuo', ¿te co'ecopa aimihuejyi lał'ejma' ile lałmuc'iponga' lałtatahueló? Mane titetsoyi, aimepajyi al c'a liłmane'.

⁶ Jesús italai'e'e'mola', timila':

—Imanc' ma le'a tonł'e'eyołtsi to unc'ic'a xanuc'. Luyaipa quitine cal profeta Isaías uya'a'ma linespa ŁanDios te ts'i'ic' lołpicuejma'. Ticua:

Ine lan xanuc' ałmi: "Ima' malanDios", ma le'a tipalołaiyi.

Iłniya aimalcuec'e, ma ti'eyi quilituca' ts'ihpic'a.

⁷ Tama laxc'onłingaila' aicapenufila',

iłne timuc'iyaleyi ma le'a locuxepa lan xanuc', a'i laifcuxepa.

⁸ 'Tołe lołpicuejma' imanc', tolatets'iyi ŁanDios, tolihuequila' lan xanuc' lił'ejma'.

⁹ Jouc'a timila':

—Imanc' xonca tolihuequila' loġtatahueló liġ'ejma', toġta'a tolatets'iyi litaiqui' ĒanDios.

¹⁰ 'Moises icuxepa: "Taihuejco'mola' co'ailli', co'máma', toġoc'i'mola'". Jouc'a icuxepa: "Cal xans nomipola' cataiqui' qui'ailli' qui'máma', tipa'a li-junac'. ¡Tima'ante!"

¹¹ 'Imanc' ituca' loġmuc'iyalepa. Ja'ni anuli cal xans timitsola' qui'ailli', qui'máma': "Aimi'ya catoc'iyacolhuo'. Jahuay ħai'huexi joupa nenajpa, ħe catsufco'ma ĒanDios." ¹² Imanc' toġcuayi: "Ne', ħġque aimitoc'i'mola' qui'ailli' qui'máma'".

¹³ 'Ĥe lataiqui' lolihuejpa ma le'a liġtaiqui' loġtatahueló limuc'ipolhuo', ħiya coġmuc'ipola' lan xanuc'. Ma' anuli toġta'a axpe' tonġ'eyi. Litaiqui' locuxepa ĒanDios toġsinyi to niġ naitsi cataiqui'.

¹⁴ U'ġcona'mola' lan xanuc' lefot'ġepoġtsi ġiġpiya, timila':

—¡Aġquimf'eta' anuli anuli imanc'! ¡Aġcuc'eta'!

¹⁵ Fa'a li'a ħamats' tipa'a ħe pe imanc' lolacui'ipa axujc'a. Iya' cacua a'i. Ja'ni anuli cal xans titeta', ti'nicola' lico, tinuc'la', ailopa'a co'iya, aimixis'meyacoxi. Al xujc'a laipa'aya lipicuejma' cal xans, ħe ħinca tixis'me'ma. ¹⁶ Naitsi nocuejpa, aġquimf'eta' iya' laitaiqui'.

¹⁷ Jesús ipo'no'mola' quiġtuca' lan xanuc', itsufai'ma lajuġġ. Ts'ġlihuequi ħa'hue'me tuhuaġc'e'etsola' ħe lataiqui'.

¹⁸ Timila':

—¿Te imanc' jouc'a ailopa'a coġpicuejma'? Cal xans no'nicopa lico aġ xujc'a, tinuc'a, aimixis'meyacoxi toġta'a. ¿Te aicoġcueca?

¹⁹ Ĥe loyaicopa lico, aimitsufaiya lipicuejma'. Ticuaispa licu'u, tijouġa' tipanamma.

Minesqui tołta'a Jesús ipalaicopa łotempa fa'a li'a łamats'. Ticua jahuay ile ac'a. Aimi'iya minesyacu: "Ile axujc'a, aimi'iya catec'oya". ²⁰ Ti'hua timila':

—Al xujc'a laipa'apa lipicuejma', ile linca tixis'me'ma cal xans. ²¹ Jiłpe liłpicuejma', lan xanuc' tixpic'eyi ti'ele al xujc'a. Tihuennaiquila' cacal'no', tinantseyi, tima'ahualeyi, tixhuicoyi liłpenoye liłf'as xanuc', ²² tijanajyi ti'huejle xonca, ti'eyi al xujc'a liłf'as xanuc', tifel'miyaleyi, tipalaiyi o ti'eyi petsi aimetenłcocojma, ti'e'ehualeyi laic', tinescoyi liłf'as xanuc', tetets'iyaleyi, tixinyołtsi xonca lan tsila' xanuc', ti'eyi pangay camac'ta. ²³ Jahuay iłna'a tipa'a liłpicuejma'. Ja'ni tipa'ale, ti'ele tołta'a, tixis'me'mołtsi, ti'e'e'mołtsi xujc'a.

²⁴ Jesús ipanni jiłpiya. I'hua'ma icuaitsi łamats' huejnca liłya' cuftine Tiro. Itsufai'ma anuli lajut'ł. Ticua: Nij naitsi nocuejya. ²⁵ Anuli łaca'no' icuej'ma jiłpe tipa'a Jesús. Icuaitsi, exc'onłngai'ma li'mitsi' Jesús. Iłque łaca'no' tipa'a li'hua cahuats' liłsufaipa conta'a. ²⁶ Łaca'no' a'i judía, qui'huayomma małpiya łamats' cuftine Sirofenicia. (Lan xanuc' judío tetets'innila' iłniya lun Sirofenicia. Tecui'innila' atsiłqui.)

Łaca'no' tixahue'e tipa'ala' łonta'a, tixał'mela' li'hua. ²⁷ Jesús timi:

—Ate'a ałtes'mi'mola' lałnaxque'. Ałtoc'itsola' lałxanuc'. ¿Te ja'ni ac'a lał'eyacu laxic'e'mola' ile'i la'uhuy, tijouł'a laca'ni'i'mola' lan tsiłqui?

²⁸ Łaca'no' titalai'e'e, timi:

—Mapoujna, tama al linca lofnespa, iya' cacua lan tsiłqui titeji łaiquepi' ca'i łopa'a licu'uj mesa, loc'ałpa la'uhuy.

29 Jesús timi łaca'no':

—Ita'a lałmipa icuaicota caipic'a. Ma to'huanłta'. Łonta'a joupa ipanamma ło'hua.

30 Łaca'no' i'hua'na'ma, icuainatsi lejut'ł ixim'ma li'hua tunouya. Łonta'a joupa ipanamma.

31 Jesús ipanni pe lopa'a liłya' Tiro, uyaicotsi liłya' Sidón, jouc'a pe lopa'a Limbama' Quilelołya'. Icuaicontsi al cuecaj quin'nuhua' Galilea. 32 Jiłpiya i'hua'a'me anuli cal xans atape, afule mipalay, ata'ay. Ixa'hue'me Jesús tixpayaf'la' iłque cal xans. 33 Jesús ileco'ma lijuqueya jiłpe pe ailopa'a xans. Ecajm'mi'ma lidedó anuli anuli lix'mats'i' cal xans. Itsułof'i'ma hiłal cal xans. 34 Ehuenaf'ma lema'a, ixnalif'ma acueca' timi:

—¡Efata!

Ihe lataiqui' locuajmaispa ticua: ¡Texinanni!

35 Aiquicoł'ma. Cal xans iximpoxi exinamma lix'mats'i', ux'masquenanni hiłal. Ipango'ma ipalai'ma ac'a. 36 Jesús icuxe'e'mola' lan xanuc' aimuyout'le'me. Nij naitsi nocuejya. Iłniya aimicuec'eyi. Tama Jesús timila': "Aimuluyout'le'me, nij naitsi locuejya", iłne lan xanuc' xonca tuya'ayi lo'epa. 37 Imetsaico'me acueca' juaiconapa lo'epa Jesús. Ticuayi:

—¡Tołsinte! Tixał'menala' lan talpe iłne ticuejnayi. Tixał'menala' jouc'a lan ta'ay, iłne tipalainayi ac'a. Jahuay lo'epa juaiconapa ac'a.

8

1 Jiłne litiné lan xanuc' efołconanni pe lopa'a Jesús. Ailopa'a cotejacu. Jesús ijoc'i'mola' ts'ilihuequi, timila':

² —Iya' caxinnila' cuanuc'la iñe lan xanuc'. Joupá ixhuaita afane' quitine małmana' fa'a, iya' jouc'a iñiya. ³ Timana' quiyoyomma aculi'. Aiquiltesma. Aimi'iya miyeyacu. A'i cummeyacola'. Ticuaitsa nolojmay cane timatola' cumemma.

⁴ Ts'ilihuequi italai'e'e'me, timiyi:

—Jifa'a ailopa'a quilya'. ¿Petsi całtac'ueyacu ła'i tinajntsola' iñiya lan xanuc'?

⁵ Jesús icuis'e'mola', timila':

—Imanc', ¿tojua mimana' lola'í?

Iñe italai'enca, timiyi:

—Tipa'a acaitsi lala'í.

⁶ Jesús icuxe'e'mola' lan xanuc' ticutshuołaiñe łaamats'. Epenuf'ma lan caitsi la'í, ix'najtsi'i'ma ƁanDios, ixquenuf'ma ła'i, epi'i'mola' ts'ilihuequi. Iñiya eca'nem'mola' lan xanuc'. ⁷ Timana' jouc'a oquexi' afantsi laicatuye. Jesús ix'najtsi'icona'ma ƁanDios, timila' ts'ilihuequi:

—Tolaca'netsola' lan xanuc'.

⁸ Jahuay itetso'me. Inajntsola' al c'a. Lefot'le'me lipanecomma, imantsi acaitsi lan tsangay. ⁹ Iñe lan xanuc' litetso'me tixhuaispola' to oquej nuxans maxnu.

Jesús ixc'ai'ina'mola'.

¹⁰ Aiquicoł'ma, if'ajli'me al barco jouc'a ts'ilihuequi. Iye'me icuaitsa łaamats' liłya' cuftine Dalmanuta.

¹¹ Icuaiiconanca lan xanuc' fariseo. Ipango'me icuis'mot'lecona'me Jesús. Ixa'hue'me ti'eła' al cueca', iñe to lo'eya ƁanDios. Tehuaiyi. ¹² Jesús ixnalif'ma acueca', ticua:

—Lan xanuc' nomana' itsiya, ¿te calsa' huecopa ca'e'la' al cueca'? Iya' cacua: Linca aicamuc'iyacola', ni to'ta'a.

¹³ Ipo'no'mola' quiltuca', if'ajcona'ma al barco. Iye'me, iquie'me al cuecaj quin'nuhua'.

¹⁴ Ts'ilihuequi aiquil'taic' ca'i. Imenc'ecopá.

¹⁵ Jesús ixc'ai'i'mola' ihniya, timila':

—To'po'note cuenna. Aimolapenuf'me hilevadura lan xanuc' fariseo, ni hilevadura cal rey Herodes.

¹⁶ Ihne aiquil'cueca ile limipola' Jesús. Timiyot'si:

—¿Te calmicoponga' to'ta'a? O ¿a'minga': "Imanc' olimenc'ecopá, aicol'taic' ca'i"?

¹⁷ Jesús ixina' lonespa, timila':

—Imanc', ¿te cohescopa: "Ailopa'a cala'i"? ¿Teaicol'cueca laimipolhuo'? ¿Te aicolapaic' cuenna lai'epa? O ¿i'ipolhuo' muf lo'picuejma'? ¹⁸ ¿Te unc'ifohue? ¿Te aimot'sinyi lo'u'? ¿Te unc'italpe? ¿Te aimol'cuejyi lo's'mats'i'? ¿Te olimenc'ecopá lai'epa? ¹⁹ Lu'ila': Ji'pe litine laixquenuf'ma lam maque' la'í lolaca'nepola' ihne lam maquej mil lan xanuc', ¿tojua lan tsiquihuit'i lo'ma'ne'me lipaneconni?

Italai'e'e'me, timiyi:

—Imbamaj coque'.

²⁰ —Laixquenuf'ma lan caitsi la'í lolaca'nepola' lam malpuj mil lan xanuc', ¿tojua lan tsangay lo'ma'ne'me lipaneconni?

Italai'e'e'me:

—Acaitsi.

²¹ Timila':

—Itsiya, ¿te aimi'iya mol'cuc'eyacu?

²² Icuaitsa liŷya' Betsaida. Icuai'e'entsa Jesús anuli cal fo'. Ixa'hue'me tixpayaf'la' li'u' cal fo'.
²³ Jesús exaŷma cal fo', iye'me lema quiŷya'. I'otŷi'ma litsulu li'u', ixpayaf'ma limane, icuis'e'ma, timi:

—Itsiya, ¿te nipajnya tahuetsale? ¿Toxina?

²⁴ Cal xans ipango'ma ehuetŷale'ma, timi:

—Caxinnila' lan xanuc', tiyelocoyi. Ti'onŷospola' to lan 'ec'.

²⁵ Jesús ixpayaf'cona'ma li'u' cal xans. Iŷque ixim'moxi exilinamma li'u'. Ehuetsale'ma. Tehue-longe jahuary. ²⁶ Jesús umme'ma ti'huanŷa' lejuŷŷ, timi:

—Aimotsufai'ma liŷya'. Aimo'itola' lan xanuc'. Nij naitŷi nocuejya li'ipo'.

²⁷ Jesús jouc'a ts'ilihuequi iye'me, ticuaitŷa ŷaiquieloŷya' lomana' jŷŷpe al distrito cuftine Cesarea de Filipino. Miyeyi lane Jesús ticuis'ela', timila':

—¿Te conespa lan xanuc'? ¿Naitŷi iya'?

²⁸ Italai'e'e'me:

—Timana' nocuapá ima' umJuan Bautista. Ocuenaye ticuayi ima' umprofeta Elías. Ocuenaye tinesyi ima' mocuenaj profeta.

²⁹ Icuis'econa'mola':

—Imanc', ¿te coŷnespa? ¿Te coŷcuapa? ¿Naitŷi iya'?

Pedro italai'e'e'ma, timi:

—Ima' unCristo. LanDios ummepo'.

³⁰ Jesús u'i'mola':

—Aimolu'i'mola' lan xanuc'. Nij naitŷi nocuejya.

³¹ Ipango'ma imuc'i'mola' loyaicoya. Timila':

—Iya' iŷque cal Xans Iiximpa cal profeta pu'hua lema'a. Cateŷco'ma juaiconapa. Lan tsila' xanuc' noxpjŷpá lataiqui', jouc'a lixanuc' cal cuecaj ca'ailli', jouc'a lomxiye nomuc'iyalepá locuxepa

ŁanDios, iħniya latets'i'ma, ałcu'ma ałma'anła'. Afanej quitine camaf'ina'ma, catsahueno.

³² Acuajmaica u'ipola': "Ałma'a'ma". Pedro aikuicuaitsi quipic'a iħe lines'ma Jesús. Ixoulai'ipa, itale'ma, timi:

—¿Te cofnescopa tołta'a?

³³ Jesús ipai'e'moxi, ehuelojm'mola' ts'ilihuequi, itale'ma Pedro, timi:

—To'huanła'. Tanajxoxi fa'a. Ima' topalay ma to minesqui łonta'a Satanás. Ima' toxpice to mixpic'eyi lan xanuc'. Ituca' tixpic'e ŁanDios.

³⁴ Ijoc'i'mola' lan xanuc' jouc'a ts'ilihuequi tiquimf'eħe, timila':

—Cal xans ja'ni ipic'a lihuejla', aimicuxe'moxi quituca'. Iya' lapałts'inginna lancruz. Naitsi nali-huejya titaiħa' lencruz jouc'a. Tixpic'eħa' ticuxoxi titełcoħa'. Tołta'a lihuejla'. ³⁵ Cal xans ja'ni ti'exoxi cuenna juaiconapa, ja'ni aimicua mitełcoya, iħque cal xans tecani'e'moxi. Cal xans ts'ipic'a tihuejla' Lataiqui' loya'apa iħe al c'a lixpicepa ŁanDios, tołta'a lihuej'ma iya', iħque linca tiku'moxi latełcoya. Tama tima'anħe, iħque tulij'ma lipitine aimijouya.

³⁶ Cal xans nolijpa jahuay lopa'a fa'a li'a łamats', tijouħa' tecani'exoxi, ¿te tixhuico'ma iħe lulijsa?

³⁷ ¿Nipajnya ti'najtse'ma tunħu'eħa' li'alma? A'i, aimi'iya.

³⁸ 'Itsiya litine lan xanuc' enajpołtsi ŁanDios, ti'eyi al xujc'a. Cal xans noximpa calaic'ata, ja'ni tinesla': "Iħne laif'as xanuc' lahuelonge, aikuihuejya Jesús, aicapenufya litaiqui', aimi'iya"; litine cacuaiconanni fa'a li'a łamats', iya' jouc'a aicapenufya iħque cal xans. Iya' iħque cal Xans

Liximpa cal profeta pu'hua lema'a. Cacuaiy-
oconno. Alcuaiconacu iya' jouc'a lam paxi capaluc'
quema'a. Jilpe litine alsim'ma ninCueca' ma to
ŁanDios cai'Ailli'.

9

¹ Ti'hua timila':

—Iya' camilhuo' alfinca: Jifa'a timana' lan xanuc'
tixim'me, timetsaico'me lo'eya ŁanDios micuxe fa'a
li'a łamats'. Tołta'a tixim'me ai'a tima'mola'.

² Luyaipa acamts'us quitine Jesús ileco'mola'
Pedro, Jacobo jouc'a Juan. Tiyeyi ma quituca'.
If'ajli'me hi'nof'quiya hjuala. Mehuelojnyi Jesús
ilque ipaicomma lixans.

³ Lipijahua' i'i'ma
afujca juaiconapa, tunts'iflay. Fa'a li'a łamats'
tama tepajle lijahua' aimi'ya mi'onłiyacu tołta'a.

⁴ Ts'ilihuequi Jesús ixim'me imaxcaitsola' lam
profeta Moisés jouc'a Elías. Típalaic'oyi Jesús.

⁵ Pedro timi Jesús:

—Momxi, ĵac'a fa'a małmana'! Ałanc'e'me afanej
lihuoxqui, anuli ima', anuli Moisés, locuena Elías.

⁶ Pedro aikuixina' te ts'i'ic' ilē licuapa, ma le'a
tipalay. Ihne lam fantsi ts'ilihuequi Jesús ix-
pailij'mola' juaiconapa. ⁷ Ixim'me ipoxc'i'mola'
cummahuay. Icuej'me tipalay małpe łummahuay,
timila':

—Iłca'a ai'Hua, ca'ay capic'a juaiconapa.
Tołquimf'ēte ilque lonespa.

⁸ Ehuelojncona'me Jesús, ilque tecaxu quituca'.
Moisés y Elías ailomana'. Ma eĵac'na'mola'.

⁹ Mimulnamma hjuala Jesús ipalaic'ocona'mola',
timila':

—Iya' ilque cal Xans Liximpa cal profeta pu'hua
lema'a, ma capa'a fa'a li'a łamats' aimoluya'ata

lotsimpa jilpe hijuala. Nij naitsi nocuejya. Alma'a'ma, catsahuenahuo quipayonahuo pe lomana' limapola', tijoula' ti'ila' tofta'a tolu'i'mola' lan xanuc'.

¹⁰ Ilne ts'ilihuequi Jesús ma quiltuca' tipalaic'oyołtsi, i'nujuaista ilne lixinghuo'me hijuala. Ticuis'eyołtsi:

—¿Te cataiqui' lonespa Jesús? Ticua: “Catsahuenahuo, quipano pe lomana' limapola”.

¹¹ Icuis'e'me Jesús, timiyi:

—Lomxiye nomuc'iyalepá locuxepa LanDios ticuayi: “Ate'a Elías ticuaiyoconno fa'a li'a lamats'. Tijoula' ticuaihuo cal Cristo.” ¿Te conescopa tofta'a?

¹² Jesús timila':

—Al linca lonespa ihniya lomxiye ilne nocuapá: “Ate'a ticuaihuo Elías. Ilque tixanu'ma jahuay.” Jouc'a tipa'a liniliya loya'apa te ts'i'ic' laifnuyaicoya iya'. Iya' ilque cal Xans Liximpa cal profeta pu'hua lema'a. Tuya'e' iya' catełco'ma juaiconapa, lan xanuc' latets'i'ma.

¹³ 'Iya' camilhuo', joupa i'huamma Elías. Lan xanuc' ma to lixpice'pa tofta'a i'e'epá ilque. I'e'epá ma to muya'e' jilpe al Paxi Cataiqui' Linilingiya.

¹⁴ Icuaitsa pe lomana' locuenaye ts'ilihuequi Jesús, jilpe ixim'me juaiconapa axpela' lan xanuc' efot'leyołtsi canumicay. Jouc'a timana' lomxiye nomuc'iyalepá locuxepa LanDios. Ilne lomxiye tifuli'iyi cataiqui' ts'ilihuequi Jesús. ¹⁵ Lixim'me Jesús lan xanuc' ixoconni quileta. Aiquicoł'mola', iyoyunca, inontsa.

¹⁶ Jesús icuis'e'mola' lomxiye nomuc'iyalepá locuxepa LanDios, timila':

—Imanc', ¿te colicuis'epola' ilne lalihuequi?

17 Jilpiya lefoŷya anuli cal xans ipalai'ma, timi Jesús:

—Momxi, ailec'mehuo' ʔai'hua. Itsufaipa conta'a. ʔque ʔonta'a i'e'epa ata'ay. 18 ʔonta'a mulij'ma ʔai'hua tecanghuaispa. Tijouʔa' ʔai'hua ti'i quipehuoxco lico, ti'ʔlc'a li'ay, tuhuaquemma. Aixa'hue'mola' lihuejhuo' tipa'ate ʔonta'a. Aiqui'ic' quilipa'e.

19 Jesús italai'e'ma, ticua:

—Itsiya litine imanc' noʔmana' fa'a li'a ʔamats' aimoʔhuaiyijnyi ʔanDios, olanajpoʔtsi. Iya' cacua, coʔa' aicapajncona'ma pe loʔmana'. ¿Te iya' ti'hua caxnet'i'ma? Aʔec'metsi ʔo'hua.

20 ʔlecontsa ʔamijcano. Aiquicoʔ'ma, lixim'ma ʔonta'a Jesús, ife'ne'ma ujfxi ʔamijcano. ʔque ecanghuaitsi, ti'huatʔsay, ipa'a'ma ipehuoxco lico.

21 Jesús icuis'e'ma qui'ailli' ʔamijcano, timi:

—¿Tojua camats' toʔta'a mi'i ʔo'hua?

Italai'e'e'ma timi:

—Caca'hua. 22 ʔonta'a tummetsay, tecajm-maispa laja' jouc'a titanc'aispa ʔunga. Tehuay te co'iya mima'aya. Itsiya ja'ni nipajnya, ʔaʔtoc'itsonga'! ʔaʔsintsonga' ninc'icuanuc'la!

23 Jesús timi cal xans:

—¿Te caʔmicopa: “Ja'ni nipajnya”? Ja'ni ima' aʔhuaiyijnla', ti'i'ma. Naitne ʔaʔhuaiyijmpa aʔsim'ma iya' nipajnya, aʔsim'ma jahuay ti'i'ma ca'e'ma.

24 Aiquicoʔ'ma, qui'ailli' ʔamijcano ija'a'ma ujfxi, timi Jesús:

—Ca'huaiyijnhuo', ʔaʔtoc'ʔta' ca'huaiyijntso' xonca!

25 ʔxim'mola' Jesús tiʔoc'olaiyumma xonca lan xanuc', itale'ma ʔonta'a, timi:

—Ima' monta'a, ima' o'e'epa atape y ata'ay itca'a lamijcano. Iya' cacuxe'ehuo', itaipanni itca'a lamijcano! Aimotsufaicona'ma.

²⁶ Lonta'a ija'a'ma. Ife'ne'ma ujfxi lamijcano. Ipananni. Lamijcano i'i'ma to lomapa. Axpela' lan xanuc' ticuayi: “Joupa imanapa”. ²⁷ Jesús i'noh'e'ma limane icutsu'ma lamijcano, itque ecaxna'ma.

²⁸ Lijou'ma litsuflai'me lajut'ł Jesús jouc'a ts'ilihuequi, mimana' quiltuca' itne icuis'e'me, timiyi:

—Illanc', ¿te cal'icoponga' aicalipa'e lonta'a?

²⁹ Italai'e'e'mola', timila':

—Ticuicomma tolsa'huefe LanDios, aimotetso'me, tolsnet'He. Ja'ni a'i, aimi'iya molipa'ayacola' itniya lontahue.

³⁰ Ipalunca jilpiya. Tuyalaicoyi al distrito Galilea. Jesús ticua: “Aimicuej'me lan xanuc' pe laifpa'a”. Ipic'a timajnle quiltuca' itque y ts'ilihuequi. ³¹ Mimuc'ila' timila':

—Iya' itque cal Xans Liximpa cal profeta pu'hua lema'a. Aicu'ma, ah'noh'ma lan xanuc', alma'a'ma. Afane' quitine, camaf'ina'ma.

³² Itne aiquilcueca ite lonespa Jesús. Aiquilicuis'e. Tixpailiquila'.

³³ Icuaiyocontsa liya' Capernaum. Mimana' lajut'ł, Jesús icuis'e'mola' ts'ilihuequi, timila':

—¿Te cataiqui' colfuli'icopotsi maleyi lane?

³⁴ Itniya aiquiltalai'e. Miyeyi lane tifuli'iyotsi cataiqui' naitsi itque xonca cal te'a. ³⁵ Jesús icutshuai'ma, ijoc'i'mola' limbamaj coquexi', timila':

—Cal xans ts'ipic'a ti'ila' cal te'a, ti'e'exoxi laquijoujma, ti'e'exoxi to laquintahuaicopa lif'as xanuc'.

³⁶ Exa!u'ma anuli lahuac'hua. Ecaxu'e'mola' ts'ilihuequi. Ipulc'o'ma, timila' ts'ilihuequi:

³⁷ —Naitsi napenufya anuli lahuac'hua to itca'a, ja'ni tinesla': “Jesús ti'ay capic'a itca'a lahuac'hua, iya' jouc'a capenuf'ma”, itque linca lapenufi iya'. Naitsi nalapenufpa iya' a'i ma le'a iya' lapenufi, lapenufinga' jouc'a Lalummepa.

³⁸ Juan timi Jesús:

—Momxi, atsimpá anuli cal xans tipa'ala' lontahue. Itque ticuaj'mi lopuftine. Illanc' atcuanac'epá. Itque a'i cafejmale.

³⁹ Jesús timila':

—Aimołcuanac'e'me. Anuli cal xans no'epa acueca' micuaj'mi laipuftine, itque cal xans aimatnesc'eya cataiqui'. ⁴⁰ Itne lan xanuc' ja'ni aimat'enga' laic' tama a'i matfejmaleyi, itne linca atoc'inga'.

⁴¹ 'Iya' camilhuo' al linca: Cal xans naimet-saicopolhuo' imanc' alihuequi iya', ja'ni tinesla': “Itne ilihuequi cal Cristo. Cuhui'i'mola' quiłja’”, itque cal xans tipa'a lolijya, LanDios tipaxne'ma.

⁴² 'A'ijc'a loyaicoya cal xans naimenac'iya anuli itna'a la'uhuay, itne at'huaiyinge iya'. Coła' ifinc'im'me lejoc' anuli cal cuecaj capic molino, coła' ecajm'mim'me łaja. Coła' ima'ma ate'a ai'a ti'e'ma itiya lixcay.

⁴³ 'Ja'ni lomane ti'e'ma lixcay, itatejla' nulemma! Ja'ni tocuaitsi al muf petsi łunga aimipica, łte cof'ecoya oque' lomane'? Tama le'a anuli lomane,

ja'ni ti'i'ma totsufaita petsi lopitine aimijouya, xonca al c'a toyaicota.

44-46 'Ja'ni lo'mis ti'hua'a'mo' petsi to'e'ma lixcay, itatejla' nulemma! Ja'ni tecajm-mitso' al muf, ¿te cof'ecoya oque' lo'mitsi'? Tama le'a anuli lo'mis, ja'ni ti'i'ma totsufaita petsi lopitine aimijouya, xonca al c'a toyaicota.

47-48 'Ja'ni lo'u timenac'ihuo', itaipa'ala! Ja'ni tecajm-mitso' al muf petsi lapimí aimimala', ti'hua titeji, petsi aimijaf'que latecoya, aimipica lunga, ¿te cof'ecoya oque' lo'u'? Tama ma le'a anuli lo'u, ja'ni ti'i'ma totsufaita petsi tihuejcoyi LanDios, itque cal Cuecaj Rey, xonca al c'a toyaicota.

49 'Jahuay lotsufconyacu LanDios ticuicomma tetenlinle, toliya ti'em'me co'hue, tole LanDios tepenuf'ma. Jouc'a lan xanuc' lipicuejma' ticuicomma tetenlintsola', ticuicomma titeco'me, tole LanDios tepenufna'mola'. 50 Lo'hue ipenic'. Ja'ni tejac'la' lic'a, ¿te con'ecoyacu lo'hue? Imanc' aimi'i'molhuo' to itque lo'hue lejac'pa lic'a. Aimofuli'i'moltsi cataiqui'. Tolnanc'otsoltsi.

10

¹ Jesús ipanni al distrito Galilea, icuaitsi al distrito Judea. He lamats' locuena liju' al cuecaj panaj Jordán. Icuaiyocona'me axpela' lan xanuc' jipe pe lopa'a Jesús. Itque ma to mi'ay timuc'iyale.

² Icuaiyunca jouc'a lam fariseo. Ehuaiconame, icuis'e'me:

—¿Te cal xans nipajnya tecanai'ma lipeno, o aimi'iya?

³ Jesús italai'e'e'mola', timila':

—¿Te quiniipa Moisés? ¿Te coya'apa lon'eyacu?

⁴ Italai'e'e'me, timiyi:

—Moisés iniŋpa: “Cal xans tiniŋa' anuli lije'e lacanaicoya ŋipeno. Tijouŋa' tecanai'ma.”

⁵ Jesús timila':

—Moisés ixina' ata loŋpicuejma' imanc', toŋta'a quiniŋcopa. ⁶ Al te'a a'i toŋta'a licuxeyalepa ŋanDios. Lilanc'epa li'a ŋamats' ŋanDios ilanc'e'mola' “... cal xans y ŋaca'no”. ⁷ Icu'a'ma: “Cal xans tipo'no'mola' qui'ailli' qui'máma', tileco'ma ŋipeno. Tejoni'moŋtsi. ⁸ Loquexi' ti'e'e'moŋtsi to anuli le'a.” Toŋta'a i'ipola' anuli, a'i oquexi'. ⁹ ŋanDios ixpic'epa toŋta'a tejoni'mola', toŋta'a ti'e'e'mola' anuli. Lan xanuc' aimi'iya menajyacola'.

¹⁰ Licuaitsa lajut'ŋ ts'ilihuequi Jesús icuis'e'me to joupa licuis'epa lan xanuc' fariseo. ¹¹ Jesús timila':

—Tama cal xans tecanaiŋa' ŋipeno, ma' ipeno. Ja'ni tilecoŋa' ocuena caca'no', ixcay iŋe lo'eya. Ma' anuli lo'eya to iŋe nahuepá quilecaŋ'no'. ¹² Jouc'a ŋaca'no'. Tama tecanaiŋa' ŋipe'ailli', ma' ipe'ailli'. Ja'ni tihuejla' ocuenaj xans ixcay iŋe lo'eya. Ma' anuli lo'eya to lacaŋ'no' nahuepá quiŋxanuc'.

¹³ Jiŋpiya pe lopa'a Jesús ticuai'enspola' la'uhuy. Tixa'hueyi tixpayaf'tsola', tipaxnetsola'. Ts'ilihuequi Jesús italem'mola' iŋniya ts'ijejma quiŋmaxque'. ¹⁴ Jesús lixim'mola' ts'ilihuequi toŋta'a lo'epa aiquetenŋcocojma, ixtuc'o'mola'. Timila':

—Aimoŋpa'ne'mola' la'uhuy. Tiyoyunca pe laifpa'a. Lan xanuc' notsuflaiyacu pe locuxey-opa ŋanDios ti'onŋcospola' to iŋna'a la'uhuy. ¹⁵ Iya' camilhuo' al ŋinca: Cal xans ja'ni jahuay ŋunxajma'

tihuequi litaiqui' ŁanDios locuxepa, ma to laihuejpa la'uhuyay, iħque cal xans titsufai'ma pe lopa'a ŁanDios. Ja'ni a'i, aimitsufaiya.

¹⁶ Jesús ipulc'o'mola' la'uhuyay, ixpayaf'mola', ipaxne'mola'.

¹⁷ Ipango'ma ti'hua'ma Jesús, icuaico'ma anuli cal xans tinu. Exc'onħngai'ma Jesús, icuis'e'ma:

—Cunc'a comxi, ĩte caif'eya culijla' laipitine aimijouya?

¹⁸ Jesús timi cal xans:

—ĩTe caħmicopa iya' ninc'a? Le'a ŁanDios copa'a cal C'a. Ailopa'a cocuena. ¹⁹ Ima' oxina' locuxepa ŁanDios. ĩe lataiqui' tuya'e': “Aimoxhuico'ma ocuena caca'no', ma le'a łopeno. Aimoma'ahuale'ma. Aimonantse'ma. Ja'ni topalaicotsola' lof'as xanuc' tonesla' al ĩnca, aimofel'miyale'ma. Taihuejco'mola', totoc'i'mola', co'ailli', co'máma'.”

²⁰ Cal xans timi Jesús:

—Momxi, caħtojomma ca'ay toħta'a, jahuyay ĩiya.

²¹ Jesús ehuelojm'ma cal xans, etenħcoco'ma lipicuejma', timi:

—Łinca, tipa'a lahue'epo'. To'huanħa', tocujtsi jahuyay ĩo'hueca. Al tomı loħmulijya tapi'itsola' pe lahue'epola'. Toħta'a ti'i'ma co'huexi jipu'hua lema'a. Tijouħa' tocaicoconno pe laifpa'a, li-huej'ma.

²² Licuej'ma ĩħe lataiqui' ic'omma'i'ma. Acueca' juaiconapa ĩ'huexi. I'huana'ma tixhueħma.

²³ Jesús ehuelojm'mola' ts'ilihuequi, timila':

—Łan xanuc' ts'if'huca juaiconapa afule mitsu-flaiyacu pe locuxeyopa ŁanDios.

²⁴ Ts'ilihuequi aiquitcueca jile lines'ma Jesús. Ticuayi: “¿Te conescopa tołta'a?” Jesús timiconala':

—Cunc'ainaxque', lan xanuc' no'huaiyijmpá lił'huexi afule mitsuflaiyacu pe locuxeyopa ŁanDios. ²⁵ ¿Te aga cal camello tuyaico'ma laquipihuo łacuxa? Iya' camilhuo': Cal xans ts'i'hueca juaiconapa tixim'ma xonca lipime mitsufaiya pe locuxeyopa ŁanDios.

²⁶ Licuej'me tołta'a ts'ilihuequi Jesús ixim'me ipime juaiconapa ile lataiqui'. Imiconamołtsi:

—Aicatcueca ile lataiqui'. ¿Te ailopa'a conłuya?

²⁷ Jesús ehuelojm'mola', timila':

—Lan xanuc' quituca' aimi'iya monłueyacoltsi. ŁanDios linca nipajnya tunłue'mola'. Iłquiya jahuay nipajnya ti'e'ma, aimixina quipime.

²⁸ Pedro timi Jesús:

—Illanc' alpo'nonapá jahuay, lihuejhuo'.

²⁹ Jesús italai'e'e'mola' ts'ilihuequi, timila':

—Iya' camilhuo' al linca: Cal xans nocuapa: “Quihuequi Jesús, jouc'a quihuequi Lataiqui' loya'apa lixpicepa ŁanDios”, ja'ni joupa ipo'nopa lejut'ł, ipo'nopola' lipimaye o qui'máma' qui'ailli' o linaxque' o łemats', ³⁰ ilque cal xans mipa'a fa'a li'a łamats' tulij'ma amaxnu xonca. Tama tihuetsoquinte tulij'mola' axpela' qui'máma', quipimaye, quinaxque', quejut'łi, quemats'. Ticuaitsi locuaicoya quitine tulij'ma lipitine aimijouya. ³¹ Axpela' lan tet'ła xanuc' ti'i'mola' lijoucola'. Jouc'a lijoucola', axpela' ilniya, ti'i'mola' lan tet'ła.

³² Miyeyi lane tif'ajliyi Jerusalén Jesús i'huaj'me'mola' ts'ilihuequi, iyenc'e'me ilniya. Tixhuelmot'łeyi, ticuayi liłpicuejma': “¿Te

co'ia Jesús?" Lan xanuc' locuenaye tihuejyi tixpailiquila'. Jesús ihojfi'mola' limbamaj coquexi', u'i'mola' loyaicoya maŋque quituca'. ³³ Timila':

—Imanc' oŋsina' aŋ'ajliyi al cueca' quiŋya' Jerusalén. Iya' iŋque cal Xans Liximpa cal profeta pu'hua lema'a. Jiŋpiya aŋcunna. Lixanuc' cal cuecaj ca'ailli', jouc'a lomxiye nomuc'iyalepá locuxepa LanDios, alacani'eta aŋma'anŋa' locuenaye xanuc', iŋniya a'i judío. ³⁴ Iŋniya aŋtaluntseta, aŋsuŋc'ota lai'a, luntafquinna, aŋma'ata. Afanej quitine camaf'ina'ma.

³⁵ Jacobo jouc'a Juan, iŋne linaxque' Zebedeo, iŋoc'otai'me pe lopa'a Jesús, timiyi:

—Momxi, aŋpic'a ima' lapi'itsonga' ma to laŋsahue'eyaco'.

³⁶ Jesús timila':

—¿Te ts'oŋpic'a? ¿Te caifnepi'iyacolhuo'?

³⁷ Iŋniya timiyi:

—Lapi'itsonga' lane aŋcuxeta anuli ima'. Aŋcutsingaito', anuli illanc' al c'a camane, locuena loxa camane.

³⁸ Jesús timila':

—Imanc' aicoŋsina', aicoŋcueca iŋe laŋsahue'epa. Aŋmiŋa': ¿Te imanc' nipajnya toluyalaico'me to iya' laifnuyaicoya? ¿Te nipajnya toŋtelco'me to laiftelcoya?

³⁹ Iŋniya timiyi:

—Nipajnya.

Jesús timila':

—Ma' aŋinca imanc' toluyalaico'me to iya' laifnuyaicoya. Toŋtelco'me to iya' laiftelcoya. ⁴⁰ Iya' aimi'iya camiyacolhuo': “Aŋcutsingaita anuli al c'a camane, locuena loxa camane”. Ailopa'a

tolta'a laimane. LanDios joupa ixpic'epa nailne nocutsołaiyacu jilpiya. Ma' ihniya ticutsołaita.

⁴¹ Locuenaye limbama' ts'ilihuequi Jesús icuej'me loxahue'epa Jacobo y Juan. Ipango'me ixtulencia. ⁴² Jesús ijoc'i'mola', timila':

—Imanc' ołsina' lił'ejma' lan xanuc' pe aimimet-saicoyi LanDios. Ihe liłpincuxepá ti'e'eyołtsi to lapoujnalá. Ts'ilpenic' ticuxenaiyi juaiconapa. ⁴³ Imanc' aimonł'e'me tolta'a. Ja'ni anuli imanc' ipic'a ti'e'exoxi xonca acueca', ilque titoc'itsola' lipimaye. ⁴⁴ Ja'ni anuli imanc' ipic'a ti'e'exoxi cal te'a, tixpic'eła' titoc'itsola' jahuay lif'as xanuc'. ⁴⁵ Iya' ilque cal Xans Liximpa cal profeta pu'hua lema'a. Laicuai'ma fa'a li'a lamats' aicanesqui: “Lan xanuc' altoc'ila' iya’”. Aicuaicoco'ma catoc'itsola', cacuła' laipitine. Ca'najcuf'mola' liłjunac' axpela' lan xanuc', cunłu'e'mola'.

⁴⁶ Icuaitsa liłya' Jericó. Uyalaico'me liłya', ipalunca. Axpela' lan xanuc' tihuejyi Jesús. Jilpe lema cane ticutsu anuli cal fo'. Tixa'hue quitomí. Ilque cuftine Bartimeo, i'hua Timeo. ⁴⁷ Icuej'ma tinesyi lan xanuc': “Icuaico'ma Jesús łas Nazaret”. Cal fo' ipango'ma ija'a'ma, timi:

—¡Jesús, ima' otatahuelo cal rey David! ¡Ałsinła' nincuanuc'!

⁴⁸ Axpela' lan xanuc' itale'me, timiyi:

—¡Ti-ch'ixcotso'!

Tija'e' xonca ujfxi, ticua:

—¡Ima', otatahuelo cal rey David! ¡Ałsinła' nincuanuc'!

⁴⁹ Jesús ecax'ma, icuxe'e'mola' lan xanuc', timila':

—Tołjoc'ile cal fo'.

Ijoc'i'me, timiyi:
 —Aimixpaij'mo', aimoxhuetmot'te'ma.
 Totsahuenni. Tijoc'ihuo'.

⁵⁰ Cal fo' eca'ni'ma lipuquiya, iyuf'conni,
 ecax'ma. I'hua'ma icuaitsi pe lopa'a Jesús. ⁵¹ Jesús
 icuis'e'ma cal fo', timi:

—¿Te caif'e'eyaco'? ¿Te ts'opic'a?

Cal fo' timi:

—Momxi, aipic'a cahuetsalela'.

⁵² Jesús timi:

—To'huanla'. Joupa at'huaiyijmpa, ixatconapo'.

Aiquico'l'ma, exilinanni li'u'. Ipango'ma
 ihuej'ma Jesús pe lotsepa.

11

¹ Tiyeyi lane ticuaita Jerusalén. A'ij culi' ile
 li'ya'. Icuaitsa hijuala Olivo pe lopa'a kitelotya'
 Betfagé jouc'a Betania. Jesús umme'mola' oquexi'
 ts'ilihuequi, ² timila':

—Tonlele li'ya' lehuoc'ocojma. Ji'pe lo'htsufliayacu
 li'ya' to'sinna tifijnya anujnca anuli la'hua
 burro. I'que cal burro aiqunafcaiyinni.
 Toluhua'tsa. To'l'hua'anca. ³ Ja'ni ticuis'entsolhuo',
 timintsolhuo': “¿Te culuhua'tcopa cal burro?”,
 imanc' to'talai'e'e'me, to'lmi'me: “La'lPoujna ipicuiya
 tixhuicota. Tijoula' ticuai'enacu.”

⁴ Iye'me ts'ilihuequi. Ixintsa la'hua burro tifijnya
 lane pe lopa'a al puerta. Uhua'l'ma. ⁵ Oquexi'
 afantsi tecaxolanna jilpiya icuis'e'me, timinnila':

—Imanc', ¿te culuhua'tcopa cal burro?

⁶ Ts'ilihuequi Jesús italai'enca ma to limipola'.
 Lan xanuc' icu'me lane, ileco'me.

7 Icuai'etsa ła'hua burro pe lopa'a Jesús. Ixpefi'me liłpijahua' lixpula' cal burro. Jesús icut-safcai'ma. 8 Axpela' lan xanuc' ixpou'me lane liłpijahua', ocuenaye ixpou'me imane' c'ec joupa ixquejpá. 9 Lan xanuc' ilej'me jouc'a ts'ilenc'e tija'ayi, ticuayi:

—¡Hosana! ¡ŁanDios tunłu'enatso', tipaxnetso'! ŁanDios ummepo'. 10 ¡Ima' ałcuxe'monga' al c'a! ¡Ałcuxe'monga' to cal rey David licuxepola' laıtatahueló! ¡Tołta'a ałpaxne'monga' ŁanDios! Ihe nomana' lema'a jouc'a tinesle: “¡ŁanDios tunłu'enatso'!”

11 Jesús itsufai'ma liłya' Jerusalén. I'hua'ma al cuecaj xoute'. Joupa if'acolaipa. Ehuelojm'mola' lan xanuc', te ts'i'ic' lo'epa jilpiya. Ipanni. Jouc'a limbamaj coquexi' ts'ilihuequi iye'me lane liłya' Betania.

12 Lihuequi litine ipalunca jilpe liłya Betania ipailiconamma Jerusalén. Miyeyi lane Jesús tunle'e. 13 Tehuelonge aculi' ixim'ma anuli la'icux. Ixim'ma tipa'a lipela. I'hua'ma ixintsi al 'ec. Licuaitsi pe lopa'a al 'ec ixim'ma le'a ipela. Aiquicuaiya litine mimaqui hi'as icux. 14 Jesús timi la'icux:

—Nij naitsi noteja lo'as icux. Aimi'ascona'mo'.

Ts'ilihuequi Jesús icuej'me lines'ma Jesús.

15 Licuaicontsa Jerusalén Jesús itsufaicona'ma pe lopa'a al cuecaj xoute'. Jilpiya ipango'ma ipa'a'mola' nocucalépá jouc'a no'najualépá. Ejualai'f'e'e'mola' liłmesa ihe nopai'ipaj tomí. Jouc'a nocujpá lan cucú ejualai'f'e'e'mola' liletayats'. 16 Ihe liłtaic' locujyacu aiquepi'ila'

lane muyalayacu huna xoute'. ¹⁷ Timuc'ila' lan xanuc' nomana' jilpiya, timila':

—Lataiqui' loya'apa locuxepa ÆanDios ticua: “Jilpe lainejut'l ticuaicu lan xanuc', ilne tiyouyunca ni petsi li'a lamats', jilpe alpalaic'o'ma”. ÆanDios ecuej'micopa ilta'a lejut'l. Itsiya tocomma a'i quejut'l ÆanDios. Ti'onlcospa to hunts'aja' pe lafoiyomma lan namats'. Tohta'a lonl'epa imanc'.

¹⁸ Lixanuc' cal cuecaj ca'ailli' jouc'a lomxiye nomuc'iyalepá locuxepa ÆanDios icuej'me locuapa Jesús. Tixpaic'eyi Jesús, ticuayi:

—Jahuay lan xanuc' ilpic'a lomuc'iyalepa ilque.

Ehue'me te co'iya mima'ayacu. ¹⁹ Lif'acołajjma Jesús jouc'a ts'ilihuequi ipalconanca liya'.

²⁰ Lihuequi litine uyalaicocona'me male lane. Ixim'me la'icux joupa ijuhnapa jouc'a lime. ²¹ Pedro i'nujuaitsi lines'ma Jesús, timi:

—Momxi, ¡toxinta' la'icux! Ima' omi'ma cataiqui', joupa ijuhnapa.

²² Jesús italai'enni, timila' ts'ilihuequi:

—Imanc', ti'hua to'l'huaiyijnle ÆanDios. ²³ Iya' camilhuo': Cal xans no'huaiyijmpa ÆanDios nipajnya ticuxe'ma ilca'a hijuala, timila': “To'huala', to'nij'mixoxi ļaja”. Ja'ni ma ti'huaiyinge, ja'ni ailopa'a conesya, ilque tixim'ma ti'i'ma ma to licuxe'epa. ²⁴ Iya' camilhuo': Ja'ni to'l'huaiyijnyi ÆanDios, ja'ni tołcuayi: “Joupa lapi'iponga' lahsahue'epa”, iliya linca tepi'i'molhuo'.

²⁵ 'Mołpalaic'oyi ÆanDios, ja'ni tolixruc'oyi anuli tołpima aimi'hua molixruc'ocona'me. Ilque tołpima tolimenc'e'ecole lixcay li'e'epolhuo'. Tohta'a coł'Ailli' Nopa'a lema'a

timenc'e'eco'molhuo' jouc'a lixcay lo'epa. ²⁶ Ja'ni aimolimenc'e'ecoyi, col'Ailli' Nopa'a lema'a jouc'a aimimenc'e'eyacolhuo'.

²⁷ Icuaiyocontsa liya' Jerusalén Jesús ti'hua jilpe luna al cuecaj xoute'. Lixanuc' cal cuecaj ca'ailli', jouc'a lomxiye nomuc'iyalepá locuxepa ËanDios, jouc'a lan xanuc' noxpijpá lataiqui', itoc'otai'me pe lopa'a Jesús, ²⁸ timiyi:

—¿Naitsi nummepo' to'ela' to'ta'a? ¿Naitsi nepi'ipo' lane?

²⁹ Jesús timila':

—Iya' quicuis'e'molhuo' jouc'a. A'talai'ela'. Tijoula' cami'molhuo' naitsi nalapi'ipa laimane ca'ela' to'ta'a. ³⁰ Lu'ila': ¿Naitsi nepi'ipa limane Juan tepo'itsola' lan xanuc'? ¿Ja'ni ËanDios nepi'ipa o ma le'a lan xanuc' epi'i'me?

³¹ Iniya ticuis'eyo'tsi, timiyot'si:

—Ja'ni a'mile: “ËanDios epi'ipa limane”, Jesús a'mi'monga': “¿Te aicolapenufi itque?” ³² O ¿a'mile: “Lan xanuc' epi'ipá limane”? A'i, aimi'iya ma'miyacu to'ta'a. Lixtuc'o'monga' lan xanuc'.

Ihe lixanuc' cal cuecaj ca'ailli' jouc'a lomxiye nomuc'iyalepá locuxepa ËanDios tixpailiquila'. Lan xanuc' ticuayi: “Juan Bautista aprofeta, ËanDios ummepa”. ³³ Italai'e'e'me Jesús, timiyi:

—Aica'sina'.

Jesús timila':

—Iya' jouc'a aicamiyacolhuo' naitsi nalapi'ipa laimane.

12

¹ Jesús ipango'ma i'on'tico'ma lo'epa ËanDios fa'a li'a lamats'. Timila':

—Anuli cal xans ifapa lemats' laifa' uva. Eti'ico'ma aital. Ipupa pe lotsuj'miyacu loxoc'eyonyacu lan 'uva, tipa'a'me laquija'. Ilanc'e'ma anuli li'nof'quiya lajutł, jilpiya tipajm'ma no'eya cuenna lan 'uva. Icu'ma lemats' lan xanuc' ti'etsa canic', tulij'me onłca laipammaiya. Aculi' i'hua'ma. ² Licuaitsi litine lipammaitsi lan 'uva umme'ma anuli limozo. Timitola' lin'epá canic': "Lapi'ila' hi'huexi laipoujna". ³ Lin'epá canic' i'noł'me cal mozo. Ummena'me. Aiquilepi'i. ⁴ Lapoujna ummecona'ma ocuena quimozo. Licuaitsi jilpiya lin'epá canic' ixcai'e'me hjuac, imiloj'me cataiqui'. ⁵ Ummecona'ma ocuenaj mozo. Iłque cal mozo ima'a'me. Ummecona'mola' axpela' ocuenaye. Untafem'mola' jouc'a ima'am'mola'.

⁶ Ipanenni ma le'a anuli naitsi łommeya. Iłque i'hua, ti'ay capic'a juaiconapa. Umme'ma. Icu'a'ma: "Tixpaic'eta lai'hua". ⁷ Lin'epá canic' timiyolłsi: "Iłque i'hua lipoujna camats'. Alma'ale. Tijouła' alma'ale illanc' ticuainata calmane cal 'huexi." ⁸ Iłne i'noł'me łamijcano, lima'a'me, ipa'a'me ile łamats' pe lifapa laifa'.

⁹ Lipoujna camats', łte co'e'eyacola' ilne lin'epá canic'? Iya' camilhuo': Lapoujna ti'hua'ma pe ło-mana' ilniya lan xanuc', tima'atola'. Lemats' lifapa laifa' uva tepi'i'mola' ocuenaye lan xanuc'.

¹⁰ 'łTe a'i colłsuec' al Paxi Linilngiya loya'apa te ts'i'ic' lo'iya? Ticua:

Lapic łetets'ipa nolanc'epá lajutł, i'ipa xonca laicuicoya.

Iłque łapic xonca tilanc'e łaital aimecangeya lajutł.

¹¹ ŁanDios łalPoujna tołta'a łecuej'micopa.

Illanc' ałsinyi acueca' iłe li'ipa.

¹² Lixanuc' cal cuecaj ca'ailli' jouc'a lomxiye no-muc'iyalepá locuxepa ŁanDios ixtuc'o'me Jesús, tic-uayi: “İłque Jesús ał'onticonga' to iłne lixcay lin'epá canic' jilpe łamats' lifampa cal 'uva”. Ehue'me te co'iya mi'nołyacu Jesús. Ailopa'a qui'e'epa. Tix-paic'ennila' lan xanuc'. Ipo'no'me jilpe. Iyena'me.

¹³ Ummem'mola' lan xanuc' fariseo jouc'a lixanuc' cal rey Herodes. Ticuis'mot'łeta Jesús. Tehuaita. Ehue'me te co'iya micufyacu.

¹⁴ Icuaitsa, timiyi Jesús:

—Momxi, ałsina' ima' tonesqui al łınca. Aimahuay latentłocopola' lan xanuc'. Ma' anuli topalaic'ola' jahuay. Aimahuelongila' ja'ni i'hueca o aiqui'hueca. Tomuc'iyale lipene ŁanDios. Itsiya licuis'ehuo', ¿te ał'najtse'eta al tomí łalsahue'eyacongá' cal cuecaj quincuxepa, iłque César? O ¿aimał'najtse'eyacu? Alu'itsonga', ¿nipajnya o aimi'iya?

¹⁵ Jesús ixina' te ts'i'ic' liłpicuejma' iłniya. İłpic'a tifel'miıe. Ma le'a ti'e'eyołtsi to lan c'a xanuc'. Timila':

—¿Te calahuaicopa? Ałtai'etsi anuli al tomí, cax-inłta'.

¹⁶ İtai'etsa. Jesús icuis'e'mola', timila':

—İłta'a al tomí, ¿naitsi iłca'a ts'i'a? ¿Naitsi iłta'a ts'ipuftine?

¹⁷ İtalai'e'e'me, timiyi:

—Li'a César, lipuftine César.

Jesús timila':

—Ja'ni i'huexi César, tolapi'iıe César. Ja'ni i'huexi ŁanDios, tolapi'iıe ŁanDios.

Licuej'me Jesús litalai'epola' icuapá:

—¡Xinta'! Acueca' lipicuejma' Jesús.

¹⁸ Lijou'ma icuaitsa pe lopa'a Jesús lan xanuc' saduceo. Ihe naihuejpá lataiqui' loya'apa: “Lan xanuc' tima'mola' nulemma, aimimaf'iyacu”. Jouc'a tehuaiyi Jesús, icuis'e'me, timiyi:

¹⁹ —Momxi, pe linitpa Moisés alcuxenga', tuya'e': “Cal xans timala', ma' imaf'i' lipeno ailopa'a qui'hua, lipima tileco'ma hi'maxi. Tipajntsi qui'hua tecui'i'me lipuftine limanapa. Timetsaicom'me to qui'hua limanapa. Tepi'im'me hi'huexi limanapa.”

²⁰ Itsiya lu'i'mo' li'ipa.

'Timana' acaitsi lapimaye. Cal te'a ileco'ma lipeno. Ailopa'a qui'hua. Imanapa. ²¹ Lipima limanapa ileco'ma hi'maxi. Ailopa'a qui'hua, jouc'a imana'ma. ²² Jouc'a locuena lipima ileco'ma hi'maxi. Ma' anuli uyaico'ma. Locuenaye amalujxi lipimaye ma tohta'a luyalaico'me. Jouc'a ileco'me hi'maxi, anuli anuli imana'mola'. Aiquitsina' qui'hua. Lijou'ma imana'ma laca'no' jouc'a. ²³ Lan caitsi joupá ilecopá laca'no'. Itsiya lu'itsonga': Ticuaitsi litine timaf'inale limanapola', ¿naitsi co'iya lipe'ailli'?

²⁴ Jesús timila':

—Imanc' timenaquilhuo'. Aicołsina' loya'apa al Paxi Linikingiya, aicolimetsaijma al cuecaj lo'epa LanDios. ²⁵ Timaf'inle lan xanuc' tipalnacu pe lomana' limanapola', iniya aimemalliyacu, ni lacuhue ni laca'no'. Ti'onłcotola' to lapaluc' quema'a.

²⁶ 'Imanc' tołcuayi: “Aimimaf'iyacu limanapola'”. ¿Te aicołsuc' linitpa Moisés? Jiłpe tuya'e' li'ipa litine lonajpa lac'ec. Ihe litine LanDios timi:

“Iya' NanDios, ilenDios Abraham, Isaac y Jacob”.
²⁷ ŁanDios a'i quilenDios limanapola'. Itque ilenDios ts'ilmaf'i'. Imanc' juaiconapa timenaquilhuo'.

²⁸ Jiłpe tipa'a anuli łomxi nomuc'iyalepa locuxepa ŁanDios. Tiquimf'e ihnu'hua laicuis'mot'lepa Jesús, ticueca Jesús titalai'e'ela' al c'a. Ipalaic'o'ma Jesús icuis'e'ma, timi:

—¿Te copa'a xonca al cueca' lataiqui' locuxepa ŁanDios?

²⁹ Jesús italai'e'ma, timi:

—Ite lataiqui' xonca al cueca' tuya'e': “Ałquimf'ela', imanc' ixanuc' Israel. ŁanDios, łalanDios, ma' itque anDios. Ailopa'a cocuena.

³⁰ Ima' to'nujuaitsi ŁanDios łoPoujna. Itque omenDios. Taihuejla' jahuay łomunxajma', jahuay ło'alma, jahuay łopicuejma', jahuay łopujfxi.”

³¹ Locuena lataiqui' locuxepa ŁanDios tuya'e': “Ima' to'eyoxi capic'a. Ma tołta'a to'ela' capic'a łof'as xans, naitsi łoftalecufya.” Ima'a atsila' cataiquí. Xonca atsila' ailopa'a.

³² Łomxi timi:

—Momxi, ac'a lotaiqui' lonespa. Ma' al linca łofcuapa. Tipa'a anuli ŁanDios, ailopa'a cocuena.

³³ Ał'nujuaisle ŁanDios, alihuejle jahuay łalunxajma', jahuay łalpicuejma', jahuay łalpujfxi. Ał'etsola' capic'a łal'as xanuc' ma to mał'eyołtsi capic'a. Ja'ni tołta'a ał'eyi, ticuaispa quipic'a ŁanDios. Ja'ni aimal'eyacola' capic'a łal'as xanuc', tama ałtsufcole łopi'epa jiłpe al altar, ite łal'ejma' aimicuaispa quipic'a ŁanDios.

³⁴ Jesús ixim'ma łomxi ac'a lipicuejma'. Italai'e'e'ma, timi:

—Ahuata lahue'epo' motsufaiya pe locuxeyopa ÆanDios, iŕque cal Cuecaj Rey.

Lijou'ma ailopa'a quicuis'epa, ni anuli. Iŕsina' tulijna'mola' Jesús.

³⁵ Mipa'a Jesús pe lopa'a al cuecaj xoute' ti'hua timuc'ila' lan xanuc'. Timila':

—Lomxiye nomuc'iyalepá locuxepa ÆanDios ticuayi: “Cal rey David itatahuelo cal Cristo”. ¿Te conescopa toŕta'a? ³⁶ Ituca' lonespa iŕque cal rey David. Muya'e' lataiqui' lu'ipa cal Espíritu Santo tuya'e':

ÆanDios ipalaic'o'ma ðaiPoujna, timi:

“Tocutsaila' jifa'a al c'a camane.

Topanehuo fa'a, iya' mi'hua culiquila' lo'epo' laic'. Tijouŕa', ima' tocuxena'mola'.”

³⁷ Maŕque David inesco'ma cal Cristo, ticua “... ðaiPoujna”. Ja'ni David itatahuelo cal Cristo, ¿te conescopa toŕta'a?

Axpela' lan xanuc' noquimf'epá lomuc'iyalepa Jesús icuaitsi quiŕpic'a juaiconapa litaiqui'.

³⁸ Mimuc'iyale Jesús tu'ila':

—Toŕpo'noŕe cuenna, aimifel'mi'molhuo' lomxiye nomuc'iyalepá locuxepa ÆanDios. Iŕniya iŕpic'a tipo'noŕe liŕpijahua' axehuay, tiyelocota to lan tsilaj xanuc'. Miyelocota jipu'hua pe lomana' axpela' lan xanuc', iŕpic'a tinonintsola'. ³⁹ Łajut'li pe lafoŕyomma lan xanuc' iŕpic'a ticutsolaite xonca jipu'hua li'huáqui. Ja'ni tijoc'innila' tixmocota iŕpic'a ticutsolaite petsi locutsolaŕiyacu lan tsilaj xanuc'. ⁴⁰ Tijoutsaf'ennila' liŕ'huexi lacaŕ'no' lam potsateya. Mi'eyi toŕta'a ti'e'eyoŕtsi to lan c'a xanuc'. Ticohi tipalaic'oyi ÆanDios. Tijouŕa', xonca titel'mi'mola' ÆanDios.

⁴¹ Jesús ticutsu al cuecaj xoute' tehuelongila' lan xanuc' mi'nij'mi'me liłtomí jilpe al caxax. Axpela' lan xanuc' ts'ih'hueca xonca ti'nij'miyi acueca'.
⁴² Icuaitsi jilpiya anuli łaca'no' apotsate. Ailopa'a caquitomí. I'nij'mi'ma oque' al tomí acobre. Ailopa'a quipitali. ⁴³ Jesús ijoc'i'mola' ts'ilihuequi, timila':

—Iya' camilhuo' al linca: Iłque cal potsate, aiqui'hueca, ulijpola' locuenaye. Etoj'mipa xonca. ⁴⁴ Locuenaye ni'nij'mipá liłtomí jilpe, ihniya aimehue'ela'. Tipanemma acueca' liłtomí. Iłquiya łaca'no' ailopa'a quipaneya, etoj'mipa jahuay, ailopa'a co'nacoya łoteja.

13

¹ Mipalumma al cuecaj xoute' Jesús jouc'a ts'ilihuequi, anuli ts'ihuequi timi Jesús:

—Momxi, įtoxinła! įAtsila' ihne lopic' lilanc'ecompa al xoute'! įAtsila' łajut'hi! ² Jesús timi:

—Itsiya toxina ihnu'hua atsila' łajut'hi. Ticuaihuo litine jahuay tetetłquehuo. Ni anuli łopic mipo'nof'queya łocuena capic.

³ Micutsu Jesús łijuala Olivo, al huenajmay al cuecaj xoute', Pedro, Jacobo, Juan jouc'a Andrés ihoc'olai'me pe lopa'a. Icuis'e'me, timiyi:

⁴ —Lu'itsonga', ¿te quitine mi'iya lofnespa? ¿Te co'iya mi'iya calsina' aimicołya lo'iya ihiya? ¿Te jale małsinyacu?

⁵ Jesús ipango'ma u'i'mola' timila':

—Tołpo'nołe cuenna. Ja'ni a'i tifel'mi'molhuo'.

⁶ Ticuaicu axpela' linfel'miyale, tines'me anuli anuli: “Iya' ninCristo, LanDios alummepa”. Ihniya

tifel'miyale'me. Axpela' lan xanuc' tepenuf'me liŧtaiqui'.

⁷ 'Imanc' toŧcuj'me tifulenni jouc'a tifulem'me. Aimixpailij'molhuo'. Ma toŧta'a ti'i'ma. Ticoŧ'ma locuaicoya Lijoujma Quitine. ⁸ Lan xanuc' no-mana' anuli al nación tixtuc'o'me, tifule'me lan xanuc' locuenaŧ nación. Lixanuc' anuli cal cue-caj quincuxepa tifule'me lixanuc' locuena cal cue-caj quincuxepa. Ni petsi tinu'ma ŧunanto, ti'i'ma cumemma. Ma ti'onŧcota to ŧipumla ŧaca'no', toŧta'a tipango'ma al cueca' lateŧcoya.

⁹ 'Toŧpo'noŧe cuenna. Ticum'molhuo', ticuaita liŧmane lan tsilaj xanuc' noxpipá lataiqui'. Tilecom'molhuo' ŧajut'ŧi pe lafoŧyomma lan xanuc'. Jiŧpe tipam'molhuo'. Imanc' ts'alihuequi, toŧta'a lan xanuc' tixtuc'o'molhuo'. Tilecom'molhuo' pe lomana' lincuxepá jouc'a pe lomana' lan rey. Toŧta'a iŧne lan xanuc' ti'iŧa' quilsina' naitsi iya'. Imanc' tulu'i'mola'.

¹⁰ 'Ai'a ticuaihuo Lijoujma Quitine ni petsi li'a ŧamats' tuya'am'me te ts'i'ic' lixpíc'epa ŧanDios, iŧe lataiqui' ac'a loya'apa. ¹¹ Litine ti'noŧintsolhuo', tilecotsolhuo' pe lomana' lincuxepá, aimoŧsueŧmot'ŧe'me. Aimoŧcua'me loŧpicuejma': "¿Te caŧtalai'e'ecoyacu?" Maŧpe al 'hora ŧanDios tepi'i'molhuo' loŧpicuejma' toŧtalai'eco'me al c'a. Iŧe loŧnesyacu a'i coŧtaiqui' imanc', ma' itaiqui' cal Espíritu Santo. Iŧque tip'o'no'i'molhuo' loŧpicuejma'.

¹² 'ŧapima ticu'ma ŧipima tima'anŧe. Cal xans ticu'ma ŧi'hua. La'uhuay titsolicu, tixtuc'o'me quiŧ'ailli' quiŧ'máma'. Ticu'moŧtsi, tima'antsola'.

¹³ Imanc' ts'alihuequi ni petsi loŧmanc'eyacu lan

xanuc' ti'ejco'molhuo' laic'. Ja'ni tołsnet'ł'me, ticuaitsi Lijoujma Quitine tolunłul'me.

¹⁴Ma to luya'apa cal profeta Daniel tołta'a lo'iya. He pe ŁanDios tilaiqui tipo'nom'me petsi ailopa'a lane mipo'nonyacu.

(Naitsi noxhuf'iyacola' ilt'a'a lataiqui' ticuec'eł'a'.)

'Ti'ila' tołta'a lo'iya, ja'ni tołmana' al distrito Judea, tolinul—le, tołf'ajle hijualay. ¹⁵Ja'ni topa'a al toncay lomejut'ł aimaimuhuo motsufai'ma lomejut'ł. Aimocua'ma: “Tipa'a laifpa'aya”. Aimicol'mo'. Ma tainuła'. ¹⁶Ja'ni topa'a pu'huanni cal 'ec, aimopaiconahuo mommaf'huo lopuquiya. Ma tainuła'.

¹⁷'Acuanuc'la lacał'no' linnaila' jouc'a notoc'alepá. He litine juaiconapa titełco'me. ¹⁸Tołsa'huełe ŁanDios aimicuaihuo latełcoya litiné caxita.

¹⁹'Li'a łamats' tama joupa ixhuaita axpe'camats' mipa'a, lan xanuc' nomana' aiquitełma to lotelcoyacu ile locuaicoya quitine. Tijouła' aimitelcoconayacu tołta'a. ²⁰Ja'ni ŁanDios tixpic'eł'a' ticołtsola' ilne litiné ailopa'a conłuya. Joupa ixpic'epa aimicołyacola' ilne litiné. Tixinnila' cuanuc'la lixanuc' jilne li'huij'epola', ipic'a tunłul—le.

²¹Jilne litiné ja'ni timintsolhuo': “iTołsinłe! Jifa'a icuai'ma cal Cristo”, o “Jipu'hua icuaita”, aimoł'e'me linca liłtaiqui'. ²²Ticuaicu lan xanuc' nonespá: “Iya' ninCristo”, o “Iya' ninprofeta. Iya' canesqui lalu'ipa ŁanDios.” Iłniya infel'miyale. Ti'e'me al cueca'. Iłpic'a tinesle lan xanuc': “Iłque linca ummepa ŁanDios”. Ma le'a tifel'miyaleyi.

Cola' tifel'mintsola' jouc'a li'huijf'epola' LanDios. Aimi'iya mifel'minyacola'. ²³ Tołpo'nołe cuenna. Joupa nu'ipolhuo' jahuay iŕe lo'iya.

²⁴ Tijoutsola' iłne litiné catełcoya ticuaihuo litine: "Timufc'o'ma cal 'ora, cal mut'ła aimepalc'o'iya. ²⁵ Lan xamna timefcoteecu lema'a, jahuay lopa'a jilpe lema'a tife'nem'mola'." ²⁶ Tijouła' ałsim'ma iya'. Iya' iłque cal Xans Łiximpa cal profeta pu'hua lema'a. Caculaiconanni łummahuay quimuyohuo. Ałsim'ma ninCuecaj Rey. Ałsim'ma al'onłspa ma to LanDios. ²⁷ Jiłe litine cumme'mola' lainepaluc' quema'a tiyełe tefot'łentsola' laixanuc' lai'huijf'epola'. Tileconnola' ni petsi lomana', iłne nomana' lo'huayomma łahua', nomana' lotsepa łahua', nomana' pe liyuf'ma cal 'ora, nomana' pe lof'acaiyopa cal 'ora. Jahuay lipitoqui lipexpats'qui li'a łamats' tileconnola'.

²⁸ 'Lo'ipa al 'ec 'icux ti'onłcospa to lo'iya. jTołcuejle! Tołsinłe tuxcuaf'ela' limane' al 'ec 'icux ti'i'ma cołsina' icuaico'ma łinu'. ²⁹ Jouc'a litine tołsinłe lo'ipa ma to lainu'ipolhuo' ti'ila' cołsina' joupa aicuaico'ma. ³⁰ Iya' camilhuo' al łınca: Łitiné ti'ila' to laifmipolhuo', lan xanuc' nomajnyacu fa'a li'a łamats' ti'onłtola' to lan xanuc' nomana' fa'a itsiya litine. Anuli ti'i'ma liłpicuejma'. ³¹ Lema'a jouc'a li'a łamats' tijou'mola'. Laitaiqui' aimijouya.

³² 'Nij naitsi ts'ixina' litine ni al 'hora cacuaiconaya. Aiquiłsina' lapaluc' quema'a, ni iya' i'Hua LanDios aicaixina' jouc'a. Ma le'a cai'Ailli' łınca ixina'.

³³ 'Imanc' tołpo'nołe cuenna. Ti'hua tołmaf'ile. Aimi'i'molhuo' to noxmaipá. Tipantsi cumlata. Ti'hua tołsa'huełe LanDios. Aicołsina' te quitine

cacuaiyoconno. ³⁴ Itsiya lo'ipolhuo' imanc' ti'onłcospa to li'ipola' lam mozó mi'huanama liłpoujna. Itque łapoujna epi'ipola' liłmane ti'ete cuenna lajut'ł. Epi'ipola' liłpenic', anuli anuli. Anuli ixc'ai'ipa ti'eta' cuenna al puerta, timi: "Aimoxmai'ma". ³⁵⁻³⁶ Jouc'a imanc' aimołsmi'me. Tołpo'nołe cuenna. Ja'ni a'i cacuaiyunni ca'huaıjoco'molhuo' tołsmi'yi. Aicołsina' te quitine cacuaiyoconno iya' ołPoujna. Aicołsina' te 'hora, ja'ni if'acołai'pa, ja'ni nolojmay quipuqui', ja'ni mija'a'ma łangiti, ja'ni liłic'ejma'.

³⁷ 'Ma to laifmipolhuo' imanc' jouc'a laifnu'ipola' jahuay, camila': "Tipantsi cumlata, aimołsmi'me".

14

¹ Tehue'e ma le'a oquej quitine ti'i'ma al juic Pascua. Itne liłiné titem'me łai' petsi aikuilai'inni levadura. Lixanuc' cal cuecaj ca'ailli' jouc'a lomxiye nomuc'iyalepá locuxepa łanDios ixpic'e'me tifel'miyale'me. Tehueyi te co'iya mi'nołyacu Jesús, tima'ate. ² Ticuayi:

—Tijouła' al juic. Itsiya efołumma axpela' lan xanuc', tixtulecu.

³ Jesús tipa'a liłya' Betania lejut'ł Simón, itque liłałconapa licuana cuftine lahui lepra. Ticutsu Jesús titesma. Icuaitsi anuli łaca'no' itaic' al pulu capic alabastro. Al pulu tinango laceite tujuej c'a ilanc'ecompa anardo, acueca' lipitali. Łaca'no' ixquej'ma łejoc' al pulu. Ixcua'fi'ma laceite lijuac Jesús. ⁴ Oquexi' afantsi mimana' jilpe ixtulencia, timiyoltsi:

—Joupa ejac'pa laceite. ¿Te qui'ecopa totta'a łaca'no'? ⁵ Acueca' lipitali, to mulij'ma cal xans no'epa canic' afane' maxnu quitine. Ja'ni coła' icuj'ma, coła' epi'i'mola' lan xanuc', iłne petsi aiqUIL'hueca.

Tipalaicoyi quixcay łaca'no'.

⁶ Jesús timila':

—Tołe ti'ıta'. ¿Te cołpo'nocopa quixhuejma' łaca'no'? İłque i'epa al c'a. Latentococopa li'epa. ⁷ Imanc' tiłmana' lołpıya' xanuc' petsi aiqUIL'hueca. Aimijouyacola' iłniya. Jahuay iłiné ti'i'ma tołspic'e'me te co'ıya mołtoc'ıyacola'. Iya' a'i. Iya' aimatcołya capajncanaya fa'a li'a łamats'. ⁸ İłca'a łaca'no' i'epa ma to li'ommita. Ai'a ałma'ma al'huaf'ımpa laceite laicuerpo. Joupa ałanc'epa ai'a laminna. ⁹ Iya' camilhuo' al linca: Ni petsi loya'anyacu Lataiqui' loya'apa iıe al c'a lixpıc'epa LanDios, jouc'a tuya'acom'me li'epa iłca'a łaca'no'.

¹⁰ Judas Iscariote, iłque anuli limbamaj coquexi' ts'ilihuequi Jesús, i'hua'ma pe lomana' lixanuc' cal cuecaj ca'ailli', ticuta Jesús. ¹¹ İłniya la'aillı' licuej'me locuapa Judas ixoconni quileta juaiconapa. Epi'i'me cataiqui' ti'najtse'me. Judas ipango'ma ehue'ma te co'ıya micuya Jesús, ticuaita quılmane la'aillı'.

¹² İcuaitsi al te'a litine al juic. İııya al juic titem'me łai' aiqUILai'inni levadura. Jiıe litine tite'me lam mot'ł loma'anyacola' jııpe al juic. Ts'ilihuequi Jesús timiyi:

—¿Pe ts'opic'a całsmocoyoyacu al juic Pascua? Ałanc'eta jahuay.

¹³ Jesús umme'mola' oquexi' ts'ilihuequi, timila':

—Tonlele al cueca' quilya' Jerusalén. Jilpiya toltalecufta anuli cal xans itaic' lijuti caja'. Tolihuejtsa. ¹⁴ Ilque titsufaitsi anuli lajutl', imanc' jouc'a tolsuflaitsa. Tolmita lipoujna cajutl': "ŁalPomxi ticuis'ehuo': ¿Pe copa'a lajcuarto pe lałsmocoyoyacu al juic Pascua, iya' jouc'a ts'alihuequi?" ¹⁵ Timuc'itolhuo' anuli al cuarto lopa'a al toncay, joupa ixhueya. Imanc' tołtaita lałtejacu, jilpiya ałsmocota.

¹⁶ Iye'me ts'ilihuequi, itsuflai'me al cuecaj quilya', ixim'me jahuay to limipola' Jesús. Ilanc'e'me łotejacu alxmocojma al juic.

¹⁷ Lif'acołaipacua ayunca Jesús jouc'a limbamaj coquexi' ts'ilihuequi. ¹⁸ Micutsołanna, mixmocoyi, Jesús timila':

—Camilhuo' al linca: Anuli imanc' ałcuna'ma, anuli jifa'a łoxmocopa.

¹⁹ Ts'ilihuequi ixhuełmot'le'me. Anuli anuli icuit-suf'ma, timiyi:

—¿Te aga iya'? Iya' a'i.

²⁰ Jesús timila':

—Unc'imbamaj coquexi' anuli imanc' ałcu'ma. Ilque ałjac'eyi łala'i anuli al pime. ²¹ Iya' ilque cal Xans Łiximpa cal profeta pu'hua lema'a. Cuyaico'ma ma to micua al Paxi Linilingiya. Tama tołta'a laifnuyaicoya, cal xans lałcuya a'ijc'a loyaicoya ilque. Juaiconapa acueca' titełco'ma, ticua'ma: "Coła' aicaipajntsi iya'".

²² Mitetsoyi Jesús epef'ma anuli łai, ix'najtsi'i'ma ŁanDios, ixquenuf'ma. Epi'i'mola' ts'ilihuequi, timila':

—Tołtele. Iłta'a aicuerpo.

²³ Ihuof'ma al vaso. Lix'najtsi'i'ma ŁanDios, uhui'i'mola' ts'ilihuequi. Jahuay ixna'me.

²⁴ Timila':

—Ita'a aijuats', tiłinc'i'ma al ts'e quitaiqui' ŁanDios lopo'no'ipola' lixanuc'. Iya' caxcuajai'ma laijuats' tunłul—le axpela'. ²⁵ Iya' camilhuo' al linca: Jifa'a li'a łamats' aicaxnaconaya vino. Ticuaitsi litine lan xanuc' tixinle ŁanDios micuxe, jile litine caxnacona'ma al ts'e vino.

²⁶ Lijoupa lunac'copa ŁanDios ipalunca. Iye'me hijuala Olivo. ²⁷ Jesús timi ts'ilihuequi:

—Ita'a lipuqui' imanc' tolanaj'mołtsi, ałpo'no'ma caituca'. Ti'i'ma to muya'e' al Paxi Linilingiya, ticua: “Caxcai'e'ma łıłpoujna lam mot'ł, iłque tima'ma. Lam mot'ł teca'ne'mołtsi.” ²⁸ Tijoułta' camaf'inała' ca'hua'ma al distrito Galilea. Ca'huaicotołhuo' jıłpiya.

²⁹ Pedro timi Jesús:

—Tixtuc'otso' jahuay laipimaye, tama tenajt-sołtsi, iya' a'i.

³⁰ Jesús timi Pedro:

—Cami'mo' al linca: Itsiya lipuqui' ai'a tija'a'ma łangiti oquemma, ima' tones'ma afanemma: “Aicainimetsaijma Jesús”.

³¹ Pedro ti'hua tipalaic'o Jesús, ihui'ipa, timi:

—Tama ałma'atsonga' iya' ima', aicanesya: Aicainimetsaijma Jesús. Ni anulemma canesya tołta'a.

Ma' anuli ines'me jahuay locuenaye.

³² Icuaitsa al lugar cuftine Getsemaní. Jesús timila' ts'ilihuequi:

—Imanc' tołcutsolaile fa'a. Iya' capalaic'ota ŁanDios.

³³ Ileo'mola' Pedro, Jacobo jouc'a Juan. Ipango'ma tixina acueca' juaiconapa ile lo'iya, tixhuełma juaiconapa. ³⁴ Timila' lam fantsi:

—Juaiconapa cahuosma, ma tocomma ałma'ma quixhuejma'. Tołmanenca jifa'a. Aimołsmai'me.

³⁵ Uyai'ma huata, ixpats'huai'ma łamats'. Tixa'hue ŁanDios ja'ni ti'i'ma tuyaicotsi jile al 'hora. ³⁶ Timi:

—Abba, mai'Ailli', ima' jahuay nipajnya to'e'ma. Liłonc'e'ela' ilta'a laiftełcopa. Ma caxa'huehuo' tołta'a jouc'a camihuo': Ti'ila' lołxpicepa ima', a'i latenłcocopa iya'.

³⁷ Ipaiconanni, icuaitsi pe lomana' lam fantsi ts'ilihuequi. Ixim'mola' tixmaiya. Timi Pedro:

—Simón, ¿ima toxmay? ¿Te aimi'iya momaf'iya ni anulij hora? ³⁸ Tołmaf'ile jahuay imanc'. Tołsa'huełe ŁanDios titoc'itsolhuo' aimehuaiyim'mołhuo'. Imanc' tołcuayi: “Ałsnet'ł'me”. A'i, aimi'iya. Lołcuerpo ailopa'a quipujfxi.

³⁹ I'huacona'ma, tixa'hueconata ŁanDios. Ma' anuli ixahue'econa'ma. ⁴⁰ Ipaiconanni icuaiyocontsi pe lomana' lam fantsi, ixingona'mola' tixmaiconayi. Tixinyi timufquemma lił'u'. Ticui quilehui. Aiquiłsina' te cotalai'e'eyacu Jesús.

⁴¹ I'huacona'ma. Ipaiconanni. Joupa i'ipa afanemma. Icuaiyocontsi pe lomana' lam fantsi. Timila':

—Imanc', ¿ti'hua tołsmaiya? ¿Tolunxajya? Ne', ti'ila'. Ixhuaita lai'hora. Iya' ilque cal Xans Łiximpa cal profeta pu'hua lema'a. ¿Tołsinte! Ałcu'ma. Ał'noł'ma lan xanuc', ilne aimimetsaicoyi ŁanDios.

42 ¡Totŝolinca! ¡Ēepá! Joupá icuaico'ma itŝiquiya ħaŝcuya.

43 Mipalay Jesús icuaitŝi Judas, itŝe anuli limbamaj coquexi' ts'ilihuequi Jesús. Iŝecola' axpela' lan xanuc' itŝaic' liŝ'espada jouc'a liŝ'ec. Itŝe lan xanuc' ummempola' lixanuc' cal cuecaj ca'ailli' jouc'a lomxiye nomuc'iyalepá locuxepa ĒanDios, jouc'a lan tsilaj xanuc' noxpíjpá lataiqui'. 44 Itŝe locuya Jesús joupá u'ipola' te ts'i'ic' mimetsaicoyacu Jesús. Joupá imipola': "Cal xans ħaŝtuc'oya jítŝe toŝ'noŝe. Toŝhecolē. Aiminuc'e'molhuo'."

45 Licuaitŝi jítŝiya Judas aiŝuicoŝ'ma itŝoc'huai'ma pe lopa'a Jesús, timi:

—¡Momxi!

Ituc'o'ma. 46 Lan xanuc' i'noŝ'me Jesús. Aicux'mas'me.

47 Tipa'a anuli ts'ihuequi Jesús tecaxu jítŝe. Itŝe ipa'a'ma li'espada, ixcai'e'ma ħimozo cal cuecaj ca'ailli', etec'e'e'ma lix'mas.

48 Jesús ipalaic'o'mola' itŝniya licuai'me ti'noŝe, timila':

—¿Te coŝcuaiyoco'me fa'a oŝtaic' loŝ'espada jouc'a lonŝ'ec? ¿Ja'ni toŝna'a aŝ'noŝa'? ¿Aga toŝcuayi: "Itŝe inma'ahuale"? 49 Itine itine aŝmajmpá anuli jítŝe al cuecaj xoute', aical'noŝi. Ne', ti'itŝa' ma to loya'apa al Paxi Liníŝingiya. Ticuicomma tenanŝa' jahuay itŝe lataiqui'.

50 Lixanuc' Jesús inulai'me, ipo'no'me Jesús quituca'.

51 Jítŝe tipa'a anuli ħamijcano ihuequi Jesús. Itŝe ħamijcano iju'eyoxi ma le'a liŝábana. Jouc'a i'noŝim'me. 52 Ēamijcano ipanenni liŝábana, inu'ma amila.

⁵³ Ileco'me Jesús pe lopa'a cal cuecaj ca'ailli'. Jilpiya efot'le'mołtsi lixanuc' cal cuecaj ca'ailli' jouc'a lan tsilaj xanuc' noxpijpá lataiqui', jouc'a lomxiye nomuc'iyalepá locuxepa LanDios. ⁵⁴ Pedro i'huanc'e'ma aculi'. Itsufai'ma hipuna quejut'ł cal cuecaj ca'ailli'. Jilpe icutsingai'mola' lepaluc' cal cuecaj ca'ailli'. Jilpe łunga tifununc'eyołtsi anuli.

⁵⁵ Lixanuc' cal cuecaj ca'ailli' jouc'a jahuay noxpijpá lataiqui' tehueyi naitsi nocufya Jesús. Totta'a ti'i'ma tima'ante. Aiqui'ic'. ⁵⁶ Axpela' lan xanuc' tuyout'łecoyi Jesús, ma le'a tifełłaiqueyi. Anuli anuli, ituca' ituca' tinesqui. Aiqui'ic' anuli liłłaiqui' lonespa. ⁵⁷ Oquexi' afantsi itsolinca uya'a'me ocuena lafełłaiqueya, timiyi:

⁵⁸ —İllanc' ałcuejpá ilque linespa, ticua: “Iya' nulemma cateł'ma ilta'a al cuecaj xoute' lilanc'epa lan xanuc'. Tuyaila' afane' quitine iya' joupa ailanc'econapa ocuena. İle a'i quillanc'e'e lan xanuc'.”

⁵⁹ Ni ilne nonespá aiqui'ic' anuli liłłaiqui'.

⁶⁰ Itsahuenni cal cuecaj ca'ailli', icuis'e'ma Jesús, timi:

—¿Te ima' aimotalai'ecoyacoxi? ¿Te onespa ile lataiqui', o aiconesqui?

⁶¹ Aiquitalai'e. Ailopa'a quitaiqui'. Cal cuecaj ca'ailli' icuis'econa'ma, timi:

—¿Te ima' unCristo? ¿Te ima' i'Hua cal Paxi CanDios?

⁶² Jesús timi:

—Ma' iya'. Iya' ilque cal Xans İiximpa cal profeta pu'hua lema'a. İmanc' ałsim'ma cacut-suya al c'a camane cal Cuecaj Rey. Ałsim'ma

quimuyohuo lema'a, cacuaiyoconno lamats' nolo-
jmay cummahuay lema'a.

⁶³ Cal cuecaj ca'ailli its'al'ma lipijahua', imujpa
lipoyac'. Aiquetenlcocojma locuapa Jesús. Timila'
lixanuc':

—Itsiya, ¿te calahuecoyacula' ocuenaye lan
xanuc' ticufle? ⁶⁴ Imanc' otcuejpá lonespa.
Etets'ipa LanDios. ¿Te colcuapa imanc'?

Jahuay icuxeco'me Jesús, ticuayi:

—Tipa'a lijunac'. ¡Tima'ante!

⁶⁵ Oquexi' afantsi ipango'me itsulco'me,
ifi'e'eco'me ijahua' li'u', untaf'me li'a, ipa'me,
timiyi:

—Tocua'ala', ¿naitsi lipa'mo'?

Lepaluc' cal cuecaj ca'ailli' ipets'me camane
jouc'a.

⁶⁶ Pedro ipanenni al 'ocay, ticutsu luna. Uyai'ma
anuli licriada cal cuecaj ca'ailli'. ⁶⁷ Ixim'ma Pedro
tifununc'eyoxi jilpe lunga. Ehuelojm'ma, timi:

—Ima' jouc'a omihuequi cal xans las Nazaret,
ilque Jesús.

⁶⁸ Pedro icuanajpa, timi:

—Aicaixina'. Aicaicueca lofnespa.

Ipanni, ecax'ma pe lopa'a al puerta. Ija'a'ma
langiti.

⁶⁹ Lajcriada nopa'a jilpe ixim'ma Pedro.
Ipalaic'o'mola' nacaxhuolanna, timiconala':

—Ilca'a anuli ilniya ts'ilihuequi Jesús.

⁷⁰ Pedro icuanajcona'ma. Uyai'ma ni huata, ilne
nacaxhuolanna jilpiya timiyi Pedro:

—Ima' jouc'a mihuequi Jesús. Ima' mas Galilea.

⁷¹ Pedro ipango'ma i'e'ma jurar, timila':

—Iya' camilhuo' al linca. Ja'ni a'i, jałma'ata' LanDios! Iya' aicainimetsaijma itque cal xans tołpalaicopa.

⁷² Aiquicol'ma, ija'acona'ma łangiti. Pedro i'nujuaitsi limipa Jesús: “Ai'a tija'a'ma oquemma łangiti, ima' tones'ma afanemma: Aicainimetsaijma Jesús.” Li'nujuaitsi ite lataiqui' Pedro ijoj'ma.

15

¹ Lilit'e'ejma lixanuc' cal cuecaj ca'ailli', lan tsilaj xanuc', lomxiye nomuc'iyalepá locuxepa LanDios jouc'a jahuay noxpijpá lataiqui' ixpic'e'me lo'e'eyacu Jesús. Aiquicol'ma, ifi'e'me, ileco'me pe lopa'a Pilato, itque incuxepa romano. Jiłpe icu'me.

² Pilato icuis'e'ma Jesús, timi:

—¿Ima' itrey lan xanuc' judío?

Jesús italai'e'e'ma, timi:

—Al linca lofcuapa.

³ Lixanuc' cal cuecaj ca'ailli' icuf'me juaiconapa.

⁴ Pilato icuis'e'cona'ma, timi:

—¿Te ima' aimotalai'ecoyacoxi? Joupa ocuejpa. Ticufhuo' acueca' lo'epa.

⁵ Jesus aiquitalai'e. Pilato aiquixina' te cocuaya. Icuapa lipicuejma': “Itca'a Jesús, ¿te aimitalai'e?”

⁶ Ajuic ajuic Pascua, Pilato ticu lane lan xanuc' tixahue'ete anuli hitats'iya, tux'mas'ma. ⁷ Itta'a al juic tipa'a anuli hitats'iya cuftine Barrabás. Itquiya i'nołinc'innila' jouc'a liyejmalepá. Itniya itsolimma ehuoc'huaipá cal gobierno romano. Ima'apá lan xanuc'. ⁸ Icuaitsa lan xanuc' pe lopa'a Pilato. Ixa'hue'me ti'eła' ma to mi'ay. ⁹ Pilato icuis'e'mola', timila':

—¿Nai ts'olpic'a? Imanc' unc'ijudío, ¿te
cux'mas'ma łolrey?

¹⁰ Tołta'a licua'ma Pilato, imetsaicola' ihne lix-
anuc' cal cuecaj ca'ailli'. Ixina' te ts'i'ic' liłpicuejma'.
Ixina' ti'eyi laic' Jesús, tohiya joupa icupá.

¹¹ Lixanuc' cal cuecaj ca'ailli' icuxe'me, imi'me
lan xanuc' timiłe Pilato tux'masnałá' Barrabás.

¹² Pilato icuis'econa'mola', timila':

—Iłque łolacui'ipa olrey, ¿te caif'e'eya iłquiya?

¹³ Ija'acona'me, italai'e'me, timiyi:

—¡Tapałts'ijnla' lancruz!

¹⁴ Pilato icuis'e'mola', timila':

—¿Te caifnepałts'ijncoya lancruz? ¿Te quixcay
qui'epa?

Ija'a'me ujfxi, timiyi:

—¡Tapałts'ijnla' lancruz!

¹⁵ Pilato ipic'a tetenłcocotsola' lan xanuc'. I'e'ma
to lixa'hue'me. Ux'masna'ma Barrabás, icuxe'ma
tipalojle Jesús. Epi'ipola' lan soldado tepałts'ijnta
lancruz.

¹⁶ Lan soldado ileco'me Jesús łuna lejutł cal
governador. Jiłpiya łuna cuftine al Pretorio.
Jiłpiya efot'le'mołtsi jahuay lił'as soldado.

¹⁷ Itats'mi'me Jesús lunxali cumi quijahua', ma
to liłpijahua' lan rey. Ipuř'me anuli al corona
quitac, ic'ommof'i'i'me hjuac Jesús. ¹⁸ Ipango'me
inom'me, ija'a'me:

—¡Alnonghuo', ima' iłrey lan xanuc' judío!

¹⁹ Tuntaf'e'eyi hjuac ajaxa, titsuł'oyi.
Exc'onłngai'me. ²⁰ Lijoupa lixocopa, ipa'e'e'me
lunxali cumi quijahua', itats'miconam'e ma
lipijahua'. Ileco'me ipa'anca lema quilya',
tepałts'ijnta lancruz.

²¹ Miyeyi lane italecuf'me anuli cal xans cuf-tine Simón, las Cirene. Itque it'ailli' Alejandro jouc'a Rufo. Icuai'co'ma qui'huayonamma cal 'ec. Icu'xe'e'me titai'la' lencruz Jesús.

²² Icuai'etsa Jesús petsi cuf-tine Gólgota, luhua'que'mma: Lamats' Quecoye. ²³ Ji'piya icufi'me al vino ihuantsi al mirra. Ja'ni tixna'la' aijtine mixingufcoya humla. Jesús ai'quixnaic'. ²⁴ Epa'ls'ingim'me lancruz. Lan soldado if'ilco'me lipijahua', naitsi nolijya. Anuli anuli tulij'ma locuaiya quimane.

²⁵ Ixhuaita al pella 'hora lepa'ls'ijm'me Jesús lencruz. ²⁶ Ipo'nompá lacaxma loya'apa licuxe-compa Jesús, ticua: “Itca'a itrey lan xanuc' judío”.

²⁷ Jesús epa'ls'ingimpola' oquexi' linma'ahuale. Anuli tipa'a al c'a camane, locuena loxa camane. ²⁸ Ma to'la'a enan'copa al Paxi Linilingiya loya'apa: “T'e'empá ma to lo'e'enyacola' lan xanuc' ni'epá lixcay”.

²⁹ Lan xanuc' noyalaicopá ji'piya imiloj'me cataiqui', ife'ne'me hi'juac, timiyi:

—Ima' lofmeteya al cuecaj xoute', tijou'la' afane' quitine joupá olanc'econapa, ³⁰ ne', taimunni lomencruz. ¡Tonhu'exoxi!

³¹ Lixanuc' cal cuecaj ca'ailli', jouc'a lomxiye no-muc'iyalepá locuxepa LanDios ixoco'me, timiyot'si:

—Itque unhu'epola' locuenaye. Itsiya aimi'ya munhu'eyacoxi. ³² Illanc' ixanuc' Israel, ja'ni itque atrey, ja'ni aCristo, ¡timunni lencruz! A'sinte illanc', tijou'la' lapenuf'me.

Ihniya lepa'ls'ingimpola' Jesús imiloj'me cataiqui'.

³³ Li'i'ma menac'o imufc'o'ma jahuay lema'a. Ni petsi li'a lamats' tocomma ipuqui'. ³⁴ Al fanej hora lummuhuijma' Jesús ija'a'ma ujfxi, ticua:

—Eloí, Eloí, ¿lama sabactani?

Ihiya lohualquemma ticua: “Ima' mainenDios, ¿te calacanujcopa?”

³⁵ Timana' lan xanuc' nacaxolanna jilpiya icuej'me lines'ma Jesús, ihniya lines'me:

—¡Xinla'! Tijoc'i cal profeta Elías.

³⁶ Anuli cal xans icuaiconni tinu, ijac'eco'ma al esponja acuxac vino. Icants'i'ma al jaxa, i'nof'e'ma lico Jesús, titsif'la'. Ique cal xans ticua:

—¡Tole! Alsim'me ja'ni ticuaihuo Elías, tipulna'ma lencruz.

³⁷ Jesús ija'a'ma ujfxi. Exnalif'ma, imana'ma.

³⁸ Lijahua' lojujnya al cuecaj xoute' its'alquenni quituca', al toncay itejmay lamats'. Ihe lijahua' lipa'ne jilpe Lajut'l Xonca al Paxi.

³⁹ Nocuxepola' lan soldado tecaxu anujnca lencruz Jesús, tehuelonge. Ixim'ma Jesús lima'ma ma mija'e' tohta'a. Ticua:

—Ma' alinca ilca'a cal xans i'Hua LanDios.

⁴⁰ Timana' laca'no' tecaxolanna aculi', tehuelojnyi. Tipa'a María las Magdala, tipa'a María qui'máma' Jacobo y José. Ique Jacobo lecu'i'impá: Eijoujma. Jouc'a tipa'a laca'no' cuftine Salomé.

⁴¹ Mipa'a Jesús al distrito Galilea ihniya laca'no' ihuejpá Jesús, itoc'ipá, ites'mipá. Ma'piya tehuelojnyi Jesús mipa'a lencruz timana' locuenaye laca'no' jouc'a. Ihe y Jesús anuli icuaiyunca Jerusalén.

⁴² Ihe litine avispera. Lihuequi litine itine conxajya. Joupa if'acolaipa. ⁴³ Anuli cal xans cuftine

José, las Arimatea, i'hua'ma ixintsi cal gobernador Pilato. Itque José acuecaj xans, anuli pe ihniya nafot'lepotsi noxpijpá lataiqui'. Itque i'huaijma ticuaitsi litine jahuay lan xanuc' tihuejcole LanDios liCuecaj Rey. José i'e'e'moxi acueca' hunxajma'. Itsufai'ma pe lopa'a Pilato, ixahue'etsi tepi'inale licuerpo Jesús. ⁴⁴ Pilato ticua: “Ma' imaf'i' Jesús, aiqumac”’. Ijoc'i'ma nocuxepola' lan soldado. Icuise'ma ja'ni joupa imapa Jesús. ⁴⁵ Nocuxepola' lan soldado timi: “Linca, joupa imapa Jesús”. Pilato epi'i'ma lane José tilecotsi licuerpo Jesús.

⁴⁶ José ipuñna'ma licuerpo Jesús jilpe lencruz. Iju'eco'ma afujca quijahua' lilanc'ecompa alino, i'na'apa ats'e. Inicohuo'ma anuli hunts'aja', ipuc'o'iya lapic. Imef'ma anuli cal cueca' capic, ipa'neco'ma lico hunts'aja'. ⁴⁷ María las Magdala, jouc'a María qui'máma' locuenaj José, ehuelojm'me pe lipo'no'enghuo'me licuerpo Jesús.

16

¹ Luyai'ma litine conxajya María las Magdala, María qui'máma' Jacobo, jouc'a laca'no' Salomé, iye'me i'natsa laceite tujuej c'a ti'huof'ita licuerpo Jesús. ² I'i'ma quitine al te'a quitine al xamano. (Ihya adomingo.) Tipammaiyumma cal 'ora, icuaitsa hunts'aja'. ³ Timiyoltsi:

—¿Naitsi lalilonc'e'eyaconga' lapic leti'icoya lico cunts'aja'?

⁴ Lixim'me lico cunts'aja' ixim'me joupa ilonc'empa lapic, ipo'nompa jilpe anuli liju'. Itque lapic juaiconapa acueca'. ⁵ Itsuflai'me hunts'aja', ixim'me al c'a camane ticutsu anuli lamijcano.

Afujca lipijahua', axehuay. Ixpailij'mola'.
 6 Lamijcano timila':

—Aimixpailij'molhuo'. Tolahueyi Jesús łas Nazaret, małque łepałts'ingimpa. Ilque ailopa'a fa'a. Joupa imaf'inapa. jTolahuelongunca! Jifa'a lipo'no'empa licuerdo. 7 Imanc' tontente, tolu'itsola' ts'ilihuequi Jesús, jouc'a Pedro, tołmitsola': “Jesús ti'hua'ma Galilea. Tołcuaitsa jilpiya tołtalecufta ma to limipolhuo'.”

8 Lacał'no' ipalunca łunts'eja'. Inul'me. Juaiconapa tixpailiquila', tiyula'. Nij naitsi lu'ipa.

9 Jesús imaf'ina'ma liłic'ejma' al te'a quitine al xamano, iliya adomingo. Imuj'moxi ate'a María łas Magdala, ilque łaca'no' lipa'empa acaitsi lontahue. 10 Ilque i'hua'ma u'itsola' liyejmalepá Jesús. İlniya tihuotsoyi, tijolijyi. 11 María timila':

—Jesús imaf'i'. Iya' aiximpa.

İlniya aiqul'aic' linca locuapa.

12 Jesús imujcona'moxi pe lomana' oquexi' ts'ilihuequi. Jilniya tiyeyi lane ticuaita cal 'ec. Imuj'moxi tocomma ipaicomma. 13 İhne loquexi' ipailiconanca, licuaitsa pe lomana' liłpimaye, uya'a'me liximpa Jesús. Liłpimaye inescona'me: “Aij linca”.

14 Lijou'ma Jesús imuj'moxi pe lomana' limbamaj nuli ts'ilihuequi. İlniya titetsoyi. Itale'mola' ilniya nonespá: “Aij linca ille loya'apa lałpimaye. Aiquimaf'i' Jesús.” İxim'mola' ata liłpicuejma'. 15 Jesús timila':

—Tonłete ni petsi li'a łamats'. Toluya'atsa Lataiqui' loya'apa ille al c'a lixpicepa ŁanDios. Tolu'itsola' jahuay lan xanuc'. 16 İhne napenufyacu

Lataiqui', tepolife, ihniya tunhul'me. Naitsi aimepenufi Lataiqui', iŕque tecani'ma.

¹⁷ 'Tixinim'me al cueca' lo'eyacu iŕne napenufyacu Lataiqui'. Tipa'a'me lontahue litsufiaipá lan xanuc', tipalai'me ituca' liŕtaiqui'. ¹⁸ Ja'ni ti'noŕhe lainofat'ŕo tixnaŕe cafxi cummaiya ailopa'a co'e'eyacola'. Tixpayaf'me liŕmane lafcualŕay, iŕne tixaŕcona'mola'.

¹⁹ Lijoupa limipola' toŕta'a caŕ'Ailli' Jesús if'ajna'ma lema'a. Jiŕpe icutsingaitsi al c'a camane LanDios.

²⁰ Ts'ilihuequi Jesús ipalunca. Ni petsi uya'atsa Lataiqui', iŕe loya'apa al c'a lixpica'epa LanDios. LanDios liyejmalepa, i'e'ma acueca'. Toŕta'a imuc'i'mola' lan xanuc' aŕinca Lataiqui' loya'apa ts'ilihuequi Jesús.

Lataiqui' loya'apa ñe al c'a lixpíc'epa LanDios
New Testament in Chontal, Highland Oaxaca
(MX:chd:Chontal, Highland Oaxaca)

copyright © 1991 Wycliffe Bible Translators, Inc.

Language: Chontal, Highland Oaxaca

Translation by: Wycliffe Bible Translators, Inc.

Chontal, Sierra de Oaxaca [chd], Mexico

Copyright Information

© 1991, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chontal, Highland Oaxaca

© 1991, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 30 Dec 2021

6400fb6e-80e3-5cbe-8b37-1a879c9db6c6